



507



法苑珠林
一八

Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta


White

3/Color

Black

Inches

1 2 3 4 5 6 7 8 9 10 11 12 13 14 15 16 17 18 19



法苑珠林卷第五十五

施食部

如涅槃經云



故氣力虛弱


有佛法處悲愍

施食我弟子

食飽施之令

應量已分內





法苑珠林卷第五十五

唐上都西明寺沙門釋道世玄暉撰

受請篇第三十九之餘

施食部

如涅槃經云因曠野鬼神爲受不殺戒已以不食因
故氣力虛弱命欲將終佛告鬼言我勅聲聞弟子隨
有佛法處悉施汝等食若有住處不能施者是魔眷
屬非我弟子真聲聞也然出衆生食時須有分齊若
食他施主食卽須依五分律云若與乞兒鳥狗等並
應量已分內減施與之不得取分外施

比見道俗至
於齋上施主

撰述
卷之三
一
儉約不與妻兒先供眾僧將為福田僧等不量前食
多少先自飽食多將施食乞飼鳥犬損他施主又自
得罪若取分內或將已食任意多少不論限約又十二頭陀經云若得食時
應作是念見渴乏眾生以一分施之我為施主彼為
受者施已作是願言令一切眾生興福救之莫墮慳
貪持至空靜處減一段着淨石上施諸禽獸亦如上
願正欲食時作是念言身中有八萬戶蟲得此食皆
悉安隱我今以食施此諸蟲後得道時當以法施汝
是為不捨眾生又灌佛形像經云佛告大眾世人多
有發意求所願者布施之日不計多少趣使充饒事
業畢竟殘有餽饌噉食不盡皆當送與守寺中持法

沙門眾僧自共分之以出物時當望生福不應各各
競分歸與妻子是為種樹石上根株焦盡終無生時
今以布施者餘福重以施僧是為施一得萬倍報又
四分律施僧粥得五種利益一除饑二除渴三消宿
食四大小便調適五眼目精明僧祇律施粥得十種
利益故偈云

持戒清淨人所奉

恭敬隨時以粥施

十利饒益於行者

色力壽樂辭清辯

宿食風除饑渴消

是名為藥佛所說

欲生人天長壽樂

今當以粥施眾僧

又食施獲五福報經云佛告諸比丘當知食以節度受而不損佛言人持飯食施人有五功德令人得道智者消息意度弘廓則獲五福何等爲五一曰施命二曰施色三曰施力四曰施安五曰施辯何謂施命人不得食時顏色顛顛不可顯示不過七日奄忽壽終是故智者則爲施食其施食者則爲施命其施命者世世長壽生天世間壽命延長不中天傷自然福報財富無量是爲施命何謂施色人不得食時顏色顛顛不可顯示是故智者則爲施食其施食者則爲施色其施色者世世端正生天世間顏色皦皦人見

歡喜稽首作禮是爲施色何謂施力人不得食時身羸意弱所作不能是故智者則爲施食其施食者則爲施力其施力者世世多力生天人間力無等雙出入進止力不耗減是爲施力何謂施安人不得食時心愁身危坐起不定不能自安是故智者則爲施食其施食者則爲施安其施安者世世安隱生天人間不遇衆殃其所到處常遇賢良財富無量不中天傷是爲施安何謂施辯人不得食時身羸意弱口不能言是故智者則爲施食其施食者則爲施辯口說流利無所質礙慧辯通達生天世間聞者歡喜靡不稽

首聽採法言是爲五福食之報也又增一阿舍經云
施有五事名爲應時一遠來二遠去三病時四冷熱
時五初得果茲若得新穀先與持戒精進人然後自
食又施有三法一送食至寺名上就舍供養名中造
舍乞施發心供養名下又長阿舍經云佛命阿難吾
渴欲飲汝取水來阿難自言向有五百乘車於上流
度水濁未清可以洗足不中飲也如是三勅阿難汝
取水來阿難自言今拘孫河去此不遠清冷可飲亦
可澡浴時有鬼神居在雪山篤信佛道卽以鉢盛八
種淨水奉上世尊爲愍彼故爲受之

食時部

問曰何名食時何名過時答曰依四分律云謂明相
出時始得食粥明相未出卽是非時乃至日中案此午時爲法

卽是食時

依僧祇律云過此午時影一髮一瞬艸葉等卽是非時

四天下准此

皆同故毗羅三昧經世尊爲惠法菩薩說云食有四
種旦天食時午法食時暮畜生食時夜鬼神食時佛
斷六趣因令同三世佛故日午時是法食時也過此
已後同於下趣非上食時故曰非時也十誦律云唯
天得過中食無罪又十誦律云有闍浮比丘至西拘
耶尼用闍浮提時拘耶尼比丘往餘三方亦如是若

此間宿則用此間時若在彼宿則用彼間時餘三方亦爾故摩德勒伽論問頗有非時食不犯耶答曰有若住北鬱單越用彼食時不犯餘方亦爾若在閻浮日正午時北方是夜半東方是日沒西方是日出餘方互轉可知又薩婆多論云釋時有四一始從日出乃至日中其明轉熾名之為時從中已後至後夜分其明滅沒故名非時二從旦至中是作食時乞不生惱故名為時從中已後至於夜分是俗人齋會遊戲之時入村乞食多有觸惱故名非時三從旦至中俗人作務姪亂未發乞不生惱故名為時從中已後事

務休息姪戲言笑入村乞食喜被誹謗故名非時四從旦至中是乞食時得食濟身寧心修道事順應法故名為時從中已後宜應修道非乞食時故名非時

食法部

如大遺教經云比丘飲食時當為檀越燒香三喩讚揚布施可食美食又從上座教言道士各自出澡手漱口已還各就座而坐各說一偈以隨次起不得踰越又增一阿舍經云若有設供者手執香鑪而唱時至佛言香為佛使故須燒香徧請十方

既知燒香本擬請佛為凡

夫心隔目覩不知佛令燒香徧請十方一切凡聖表呈福事騰空普赴正行香作喩時一切道俗依華嚴

經各說
一偈云

戒香定香解脫香 光明雲臺徧世界

供養十方無量佛 見聞普熏證寂滅

又三千威儀經云坐受香亦得為女人行香恐觸手

洙着故開坐受若恐讓慢令懸或下亦得男
子行香女人受香翻前即是

述曰若得衣食不簡精麤但得支濟身命令得修道

便合佛意如膏車須油何簡精妙但令運轉得達前

所即是佳事故雜寶藏經世尊說偈云

此身猶如車 好惡無所擇 香油及臭脂
等同於調利

又智度論云食為行道不為益身如養馬養猪無異
若初得食時先獻三寶後施四生故華嚴經偈云

若得食時 當願眾生 志在佛道

為法供養

又優婆塞戒經云若自造作衣服鉢器先奉上佛并
令父母師長和尚先一受用然後自服若上佛者以
華香贖凡所食噉要先施於沙門梵志然後自食也
正下食時復須作念初下一匙飯時願斷一切惡盡
下第二匙時願修一切善滿下第三匙時願所修善
根迴施眾生普共成佛若不能口口作念臨欲食時

總作一念亦得故摩德勒伽論云若得食時口口作
 念得衣時著著作念入房時入入作念若鈍根者總
 作一念故華嚴經第六卷菩薩有一百四十願凡所
 施為皆誦偈念如此食者非有煩惱利生物善故增
 一阿含經云施中上者不過法施業中上者不過法
 業恩中上者不過法恩若過分飽食則氣急身滿百
 脉不通令心壅塞坐卧不安若限分少食則身羸心
 懸慮無固故增一阿含經偈云

多食致患苦 少食氣力衰 處中而食者
 如秤無高下

薩遮尼乾子經偈云

噉食太過人 身重多懈怠 現在未來世
 於身失大利 睡眠自受苦 亦惱於他人
 迷悶難寤寐 應時籌量食

述曰所以出家之人欲食之時先以淨手從他受者
 為出家高勝不同凡下故須受已而食故薩婆多論

云比丘受食凡有五意一為斷竊盜因緣故自取而食亦同

盜二為作證明故儻有失脫不干比丘三為止誹謗故取非是

勝四為成少欲知足故若當不受非同儻素五為生他信敬心

故見受而食外道生信如管有一比丘與外道共行止一樹下

樹上有果食時將到外道語比丘云上樹取果比丘言我戒法中樹過人不應上又語比丘言何不搖樹取果比丘言我戒法中不得自搖樹落果外道聞已自上樹取果擲地與之語比丘言取果食比丘言我戒法中不得不授而食外道下樹取果授與比丘外道既見如此於一果上尚有如此法用何況出世之法外道遂生信敬心知佛法清淨不同外道於是卽隨比丘於佛法中出家修道尋得漏盡又舍利弗問經云佛言外道梵志尚知受取況我弟子而不受食但一切諸物不得受唯除生寶及施女人若作法

者猶應授與體上之衣若貯金器受則制施又十誦律云舍衛國中摩訶迦羅比丘受一切糞掃衣食有死人處衣食皆取持至水上淨洗已不受便食常在死人處住有疫病時便不入城時人皆謂噉死人因惡名流布諸比丘白佛佛集比丘僧制云從今諸比丘不受食著口中得罪又大方等陀羅尼經云又受食時莫視女色但自念言我中毒箭當云何拔用視女色爲我從無始世來坐以女色墮於三塗無有出期觀諸六塵亦應如是我諸弟子不應著此如是諸賊喪人善功

述曰一切僧食並須平等無問凡聖上下均普故僧祇律云若檀越行食多與上座者上座應問一切僧盡得爾許不答止上座得耳應言一切平等與若言盡得者應受僧上座法不得隨下便食待行徧唱等供已然後得食上座之法當徐徐食不得速食竟在前出去應待行水隨順咒願已然後乃出又處處經云佛言中後不食有其五福一者少姪二者少卧三者得一心四者無有下風五者身得安隱亦不作病是故沙門知福不食

述曰若於食長貪增加煩惱卽須觀厭作不淨之想故智度論云說食厭想者當觀是食從不淨生如肉從精血水道生是爲膿蟲住處如酥乳酪血變所成與爛膿無異廚人汗垢種種不淨若著口中腦有爛涎二道流下與唾和合然後成味其狀如吐從腹門入地持水爛風動火煮如金熟糜滓濁下沉清者在土譬如釀酒滓濁爲屎清者爲尿腰有三孔風吹臑汁散入百脉與先血和合凝變爲肉從新肉生脂骨髓從是中生身根從新舊肉合生五情根從此五根生五識五識次第生意識分別取相籌量好醜然後生我我所心等諸煩惱及諸罪業復次思惟此食工

撰述
夫甚重計一鉢之飯作夫流汗集合量之食少汗多
此食辛苦如是入口卽成不淨宿管之間變爲屎尿
本是美味惡不欲見行者自思如此弊食我若食著
當墮三塗如是觀食當厭五欲譬如有一婆羅門修
淨潔法有事緣故到不淨國自思我當云何得免不
淨唯當乾食可得清淨見一老母賣白髓餅而語之
言我有因緣住此百日常作餅送來多與汝價老母
日日作餅送之婆羅門貪著飽食歡喜老母作餅初
時白淨後轉無色無味卽問老母何緣爾耶母言靡
瘡老故婆羅門問此何謂耶母言我大家夫人隱處

生癰以麵酥拊之癰熟膿出和合酥餅日日如是以
此作餅與汝是以餅好今夫人癰差我當何處更得
婆羅門聞之兩拳打頭椎胸乾嘔我當云何破此淨
法我爲了矣棄捨緣事馳還本國行者亦爾著是飲
食歡喜樂噉不觀不淨後受苦報悔將何及

食訖部

如波離論云出家僧尼白衣等齋訖不用澡豆末巨
摩等用澡口者皆不成齋如過去有比丘字蓮提六
十歲持齋戒不闕唯一日食用巨摩豆屑等成齋若
不爾者皆不成齋

此經無日出要律儀云巨摩者牛糞是也若依此經豈用牛糞淨口

耶依耶舍法師傳記云西方俗人外道等宗事梵天
 牛等以此二事能生萬物養育人民故將牛糞以淨
 道場佛隨俗法亦以為淨然不用淨口耶若依四分律等但護行住坐臥
 四種威儀食五正食四相不乖便成齋法不論澡豆
 淨口成齋時節若過威儀若失縱用澡屑亦不成齋
 又善見論云齋已吐食未出咽喉還咽無犯若出還
 咽犯罪又僧祇律云食已若渴佛令取一切穀豆麥
 煮不破者非時取汁得飲若酥油蜜及石蜜諸生果
 汁等要以水淨得飲若器底殘水被雨前亦名為淨
 善見論云舍樓伽果漿澄汁使清非時得飲謂藕根是摩
 德勒伽論沙糖漿亦得非時飲僧祇律云人有四百

四病風大百一用油脂治之火大熱病百一用酥治
 之水大百一用蜜治之雜病百一隨用上三藥治之
 十誦律云石蜜非時不得輒噉有五種人得非時食
 謂遠行人病人不得食人食少人若施水處和水得
 飲五分律云聽饑渴二時得飲故知無病非時縱已足
 也僧祇律云胡椒畢鉢薑訶梨勒等此藥無時食和
 者聽非時服又四分律云一切苦辛鹹甘等不任為
 食者聽非時盡形作藥服善見論云一切樹木及果
 根莖枝葉等不任為食者並得作盡形藥服
 述曰比見諸人非時分中食於時食何者是耶謂邊

方道俗等聞律開食果汁漿遂卽食乾棗汁或生梨
蒲萄石榴不擣汁飲并子總食雖有擣汁非澄使清
取濁濃汁并滓而食或有聞開食舍樓伽果漿以患
熱病遂取生藕并根生食或有取清飯漿飲或身無
饑渴非時食酥油蜜石蜜等或用杏人煎作稠湯如
此濫者非一不可具述若准十誦非前遠行等五種
之人不得輒食食便破齋見數犯者多故別疏記

咒願部

如佛本行經云爾時世尊日在東方着衣持鉢諸比
丘僧左右圍繞佛爲衆皆來至輸頭檀王宮內到已

坐於所設佛座諸比丘僧各各依次如法而坐爾時
輸頭檀王以佛爲首諸比丘僧次第坐已自手行諸
微妙飲食盡其種數食已於時世尊教化輸頭檀王
令其解悟生歡喜已從座而起還歸本處又十誦律
云有比丘受他請食默然入默然去諸居士呵責云
我等不知食好不好諸比丘白佛佛言從今食時應
爲施主唄讚咒願不知誰作佛言上座作若上座不
能次第能者應作故僧祇律上座應知前人爲何等
施當爲應時咒願若爲亾人施福者應如是咒願云
一切衆生類 有命皆歸死 隨彼善惡行

自受其果報 行惡入地獄 爲善者生天
善能修行道 漏盡得泥洹

若生子設福者應如是咒願云

童子歸依佛 如來毗婆施 尸棄毗葉婆

拘樓拘那舍 迦葉及釋迦 七世大聖尊

譬如人父母 慈念於其子 舉世之樂具

皆悉欲令得 令子受諸福 復倍勝於彼

家家諸眷屬 受樂亦無極

若入新舍設供者應如是咒願云

屋舍覆陰施 所欲隨意得 吉祥賢聖眾

處中而受用 世有黠慧人 乃知於此處

請持戒梵行 修福設飲食 僧口咒願故

宅神常歡喜 善心生守護 長夜於中住

若入於聚落 及以曠野處 若晝若於夜

天神常隨護

若估客欲行設福者應如是咒願云

諸方皆安隱 諸天吉祥應 聞已心歡喜

所欲皆悉得 兩足者安隱 四足者亦安

去時得安隱 來時亦安隱 夜安晝亦安

諸天常護助 諸伴皆賢善 一切悉安隱

康健賢善好 手足皆無病 舉體諸身分

無有病苦處 若有所欲者 去得心所願

若為娶婦施者應如是咒願云

女人信持戒 夫主亦復然 由有信心故

能行修布施 二人俱持戒 修習正見行

歡樂共作福 諸天常隨護 此業之果報

如行不賫糧

若為出家人布施者應如是咒願云

持鉢家家乞 值暝或遇喜 將適護其意

出家布施難

故五分律云上座齋了量其前事為檀越咒願食施

得具足果又增一阿含經世尊為女施園便咒願云

園果施清涼 橋梁度人民 近道作圍廁

人民得休息 晝夜獲安隱 其福不可量

諸法戒成就 歿必生天上

施福部

如百緣經云佛在世時王舍城中有一長者財寶無

量不可稱計其婦生女尋即能語家中自然百味飲

食皆悉備有時父母見其如是謂是非人毗舍闍鬼

畏不敢近時彼女子見其怖畏合掌向母而說偈言

願母聽我語 今當如實說 實非毗舍闍
及諸餘鬼等 我今實是人 業行相逐隨

善業因緣故 今獲如是報

爾時父母聞女說偈喜不自勝尋前抱取乳舖養育
因爲立字名曰善愛時彼女子見母歡喜合掌白母
言爲我請佛及比丘僧尋卽與請百味飲食皆悉充
足卽於佛前渴仰聞法佛卽爲說得須陀洹後求出
家佛告善來比丘尼頭髮自落法服着身成比丘尼
精勤修習得阿羅漢果諸天世人所見敬仰爾時世
尊將千二百五十比丘詣於他邦到曠野中食時已

至告善愛尼言汝今可設飲食供養佛僧尋取佛鉢
擲虛空中百味飲食自然盈滿如是次第取千二百
五十比丘鉢飯亦皆滿都令豐足阿難見已歎未曾
有請佛說本因緣佛告阿難此賢劫中有佛出世號
曰迦葉着衣持鉢將諸比丘入城乞食次到大長者
家設諸餽饌欲請賓客客未至頃有一婢使見佛及
僧在於門外乞食立住不白大家取其飲食盡持施
與佛及衆僧後客來坐勅彼婢言辦設食來婢答大
家今有佛僧在其門外乞食立住我持此食用布施
盡大家聞已尋用歡喜卽語婢言我等今者值是福

田汝能持此飯食施與快不可言我今放汝隨意所
求婢答大家若見放者聽在道次尋卽聽許作比丘
尼一萬歲中精勤無替便取命終不墮惡趣天上人
中百味飲食應念卽至今得值我出家得道比丘聞
已歡喜奉行又百緣經云佛在舍衛國祇樹給孤獨
園時夏安居竟將諸比丘欲遊行他國時頻婆娑羅
王將諸群臣出城遙望如來來受我供爾時世尊遙
知王意淡生渴仰及比丘僧漸欲遊行詣摩竭提國
值諸群鳥中有鸚鵡王遙見佛來飛騰虛空逆道奉
迎唯願世尊及比丘僧慈悲哀憐愍詣我林中受一宿

請佛卽然可時鸚鵡王知許可已還歸本林勅諸鸚
鵡各來奉迎爾時世尊將諸比丘詣鸚鵡林各敷座
具在於樹下坐禪思惟時鸚鵡王見佛比丘寂然宴
坐甚懷喜悅通夜翔遶佛比丘僧四向顧視無諸師
子虎狼禽獸及以盜賊觸惱世尊比丘僧至明清旦
世尊進引鸚鵡歡喜在前引導向王舍城白頻婆娑
羅王言世尊今者將諸比丘遂來在近唯願大王設
諸餽饌逆道奉迎時王聞語已勅設餽饌執持幢旛
香華伎樂將諸羣臣逆道奉迎時鸚鵡王於其夜中
卽便命終生忉利天忽然長大如八歲小兒便作是

念我造何福生此天上尋自觀察知從鸚鵡由請佛
故一宿止住得來生此我今當還報世尊恩頂戴天
冠着諸纓絡莊嚴其身賞持香華而供養佛卻坐一
面佛卽爲其說四諦法心開意解得須陀洹果遶佛
三帛還歸天上時諸比丘白佛言今此天子宿造何
業生鸚鵡中復修何福得生天上來供養佛聞法獲
果爾時世尊告諸比丘此賢劫中波羅柰國有佛出
世號曰迦葉於彼法中有一長者受持五戒便於一
時毀犯一戒故生鸚鵡中餘四完具今得值我出家
得道佛告諸比丘欲知彼時優婆塞者今鸚鵡是聞

佛所說歡喜奉行又付法藏經云管過去九十一劫
毗婆尸佛入涅槃後有一比丘甚患頭痛薄拘羅爾
時作一貧人見病比丘卽便持一呵梨勒果施病比
丘比丘服訖病卽除愈緣施藥故九十一劫天上人
中受福快樂未曾有病最後生一婆羅門家其母早
亡父更娉妻拘羅年幼見母作餅從母索之後母嫉
妬卽捉拘羅擲置鍬上鍬雖焦熱不能燒害父從外
來見薄拘羅在熱鍬上卽便抱下母於後時金中煮
肉時薄拘羅從母索肉母益瞋恚尋擲金中亦不燒
爛父覓不見卽便喚之拘羅聞喚金中而應父卽抱

出平復如故母後向河拘羅逐去後母瞋忿而作是
言此何鬼魅妖祥之物雖復燒煮不能令死卽便捉
之擲置河中值一大魚卽便吞食以福緣故猶復不
死有捕魚師捕得此魚詣市賣之索價旣多人無買
者至暮欲臭薄拘羅父見卽隨買持來歸家以刀破
腹兒在魚腹出聲唱言願父安庠勿令傷兒父開魚
腹抱兒而出年漸長大求佛出家得阿羅漢果從生
至老年百六十未曾有病乃至無身熱頭痛由施藥
故得是長壽五處不死鍬鑠不焦釜煮不爛水溺不
死魚吞不消刀割不傷以是因緣智者應當作如是

事又十誦律云時王舍城中有居士名尸利仇多大
富多財是外道婆羅門弟子此人每疑沙門瞿曇有
一切智乃行到佛所白言沙門瞿曇明日我舍食佛
以彼應度故默然受請時居士還到舍於外門間作
大火坑令火無煙燄以沙覆上卽入舍敷不織坐牀
又以毒和食心生口言瞿曇若是一切智人當知此
事若非一切智人當墮此坑及中毒死遣使白佛言
飲食已辦佛語阿難令諸比丘皆不得先佛前行時
佛着衣持鉢前行比丘後從入尸利仇多舍佛變火
坑作蓮華池滿中淨水旣甘而冷種種蓮華徧覆水

撰述
法苑珠林卷五十五
上時佛與僧皆行華葉上入舍坐不織牀變令成織
告尸利仇多當除心中疑我實是一切智人是居士
見二神力信心卽生尊重於佛叉手白佛言此食毒
藥不堪佛食佛言但施此食僧不得病佛告阿難僧
中宣令未唱等供一不得食是時佛咒願姪欲瞋恚
愚癡是世界中毒佛有實法除一切毒以是實語故
毒皆得除食卽清淨是時居士行澡水手自斟酌衆
僧飽滿竟洗手執鉢居士取小座具於佛前坐聽法
卽於坐處得法眼淨佛還已以是事集僧告言從今
不得在佛前行及和上師僧上座前行未唱等供不

得食也又摩得勒伽論云衆僧行食時上座應語一
切平等與使唱僧跋然後俱食頌曰

法會設佳供

齋日感神靈

普召無別請

客主發休禎

凡聖俱晨往

災難普安寧

良由慈善力

翻惡就福城

感應緣

略引
六驗

晉司空何充

晉尼竺道容

晉闕公則

晉南陽滕普

晉沙門仇那跋摩

梁沙門釋道琳

晉司空廬江何充字次道弱而信法心業甚精常於齋堂置於空座筵帳精華絡以珠寶設之積年糜降神異後大會道俗甚盛坐次一僧容服麤垢神情低陋出自衆中逕升其座拱默而已無所言說一堂怪駭謂其謬僻充亦不平嫌於顏色及行中食此僧飯於高座飯畢提鉢出堂顧謂充曰何侯徒勞精進因擲鉢空中陵空而去充及道俗馳遽觀之炎儀偉麗極目乃沒追共惋恨稽懃累日

晉尼竺道容不知何許人居于烏江寺戒行精峻屢有徵感晉明帝時甚見敬事以華藉席驗其所得果不萎焉時簡文帝事清水道所奉之師卽京師所謂王濮陽也弟內其道舍容亟開化帝未之從其後帝每入道屋輒見神人爲沙門形盈滿室內帝疑容所爲因事爲師遂奉正法晉氏顯尚佛道此尼力也當時崇異號爲聖人新林寺卽帝爲容所造也孝武初忽而絕迹不知所往乃葬其衣鉢故寺邊有塚在焉晉闕公則趙人也恬放蕭然唯勤法事晉武之世死于洛陽道俗同志爲設會於白馬寺中其夕轉經宵

分聞空中有唱讚聲仰見一人形器壯偉儀服整麗
乃言曰我是闕公則今生西方安樂世界與諸菩薩
共來聽經合堂驚躍皆得覩見時復有汲郡衛士度
亦苦行居士也師於公則其母又甚信向誦經長齋
家常飯僧時日將中母出齋堂與諸尼僧逍遙眺望
忽見空中有一物下正落母前乃則鉢也有飯盈焉
馨氣充教闔堂肅然一持禮敬母自分行齋人食之
皆七日不饑此鉢猶云尚存此土度善有文辭作八
關讖文晉末齋者尚用之晉永昌中死亦見靈異有
浩像者作聖賢傳具載其事云度亦生西方吳興王
骸以不死者也

該曰燭日鬪夏登宵衛度繼軌咸恬泊於無生俱蛻
晉南陽滕普累世敬信妻吳郡全氏尤能精苦每設
齋會不逆招請隨有來者因畱供之後會僧數闕少
使人衢路要尋見一沙門蔭楸而坐因請與歸淨人
行食翻飯于地傾箠都盡然無計此沙門云貧道
鉢中有飯足供一衆使普分行既而道俗內外皆得
充飽清淨既畢擲鉢空中翻然上升極目乃滅普卽
刻木作其形像朝夕拜禮普家將有凶禍則此像必
先倒踏云普子舍以蘇峻之功封東興者也沙門竺

法進者開度浮圖主也聰達多知能解殊俗之言京洛將亂欲處山澤衆人請留進皆不聽大會燒香與衆告別臨當布香忽有一僧來處上座衣服塵垢面目黃腫法進怪賤牽就下次輒復來上牽之至三乃不復見衆坐既定方就下食忽暴風揚沙杵案傾倒法進懺悔自責乃止不入山時論以爲世將大亂法進不宜入山又道俗至意苦相留慕故見此神異止其行意也

宋仇那跋摩者此言功德種罽賓王子也幼而出家號三藏法師宋初來遊中國宣譯至典甚衆律行精

高莫與爲比惠觀沙門欽其風德要來京師居于祇洹寺當時來詣者疑非凡人而神味淡密莫能測焉嘗赴請於鐘山定林寺時諸道俗多採衆華布僧席下驗求真人諸僧所坐華同萎頽而跋摩席華鮮榮若初於是京師欽然增加敬意至元嘉八年九月十八日卒都無病患但結跏趺坐斂衽叉手乃經信宿容色不變于時或謂淡禪旣而得遺書於筵下云獲沙門二果乃知其終弟子侍側普聞馨煙京師赴會二百餘人其夕轉經戶外集聽盈階將曉而西南上有雲氣勃然俄有一物長將一布遶屍而去同集成

觀云跋未亡時作三十偈以付弟子曰可送示天竺

僧也右五驗出冥祥記

梁富陽齊堅寺有釋道琳本會稽山陰人少出家有戒行菩涅槃法華誦維摩經吳國張緒禮事之後居富陽縣泉林寺寺常有鬼怪自琳居之則消琳弟子惠韶為屋所壓頭陷入曾琳為韶祈請韶夜見兩胡道人拔出其頭旦起遂平復琳於是設聖僧齋鋪新帛於牀上齋竟見帛上有人迹皆長三尺餘眾咸服其微感富陽人始家家立聖僧座以飯之至梁初琳出居齊熙寺天監十八年卒春秋七十有二右一驗出梁高

僧傳

法苑珠林卷第五十五

音釋

瞬

輸閏切目動貌

醯

伊旬切合飲也

澡

子皓切滌也

漱

先奏切蕩口也

唄

薄賣切梵

壅

尹竦切塞也

寤

寤音悟寤音悟

釜

扶古切鍤屬

釀

汝亮切醞也

滓

滓音滓

圍

七情切困也

斂

斂音斂斂音斂

敦

蒲沒切

夔

呼正切

踣

黑步切

匱

梵語也此云賤

歛

許及切

歛

許及切

歛

許及切

歛

許及切

州

英書

江寧李士甫刻

吳江比丘明覺對

真


真

真

真

真

萬曆辛卯冬清涼山妙德庵識



法苑珠林卷第五十六

唐上都西明寺沙門釋道世玄暉撰

輪王篇第四十

述意部

蓋聞飛行皇帝統御四洲邊鄙逆命則七寶威伏十
善引化則千子咸隨囊括遐邇獨處中原發慈父之
撫育感赤子之忠臣世居久遠貪逸彌繁峻極威戎
遠思天報於是行轉輪之猛騰帝釋之宮圖度非分
遐失輪王之位懷悲苦切劇同塗炭之殃哀斯痛矣
深可嗟乎

會名部

依真諦三藏法師云於成劫時人壽無量歲於住劫時人壽八萬歲時有輪王出世若減不出輪王有三一軍輪王二財輪王三法輪王若減八萬財輪王不出世所以然者此王福德壽命長遠卽與壽相違故不出世若減法輪王出世所以然者如來大悲令諸衆生知苦無常易可化故出世也故論云劫減佛興世劫初轉輪王唯彌勒佛出世時人民福德二王俱出世也財有四一金輪王則化被四天下二銀輪王則政隔北鬱單王三天下三銅輪王則除北鬱單及

西俱耶尼王二天下四鐵輪王則唯局閻浮提王一天下若減八萬歲時有軍輪王出以軍威伏王一天下卽是阿育王等如來爲法輪王言劫增轉輪王者此據財輪王也若論軍輪故通劫減鐵輪有二百五十輻銅輪有五百輻銀輪有七百五十輻金輪有千輻故仁王經云道種堅德王乘金輪王四天下性種性王乘銀輪王三天下習種性王乘銅輪王二天下以上十善得王乘鐵輪王一天下

七寶部

如長阿含經云佛告比丘世間有轉輪聖王成就七

寶有四神德云何成就七寶一金輪寶二白象寶三

紺馬寶四神珠寶五玉女寶六居士寶

餘經名典財寶

七主

兵寶云何金輪寶成就若轉輪聖王出閻浮提地刹利水澆頭種以十五日滿時沐浴香湯上高殿上與姝女衆共相娛樂天金輪寶忽現在前輪有千輻炎色具足天金所成天匠所造非世所有輪徑丈四輪王見已默自念言我曾從先宿諸舊聞如是語若刹利王水澆頭種以十五日滿時沐浴香湯升法殿上姝女圍遶自然金輪忽現在前輪有千輻炎色具足天匠所造非世所有輪徑丈四是則名爲轉輪

聖王今此輪現將無是耶我今寧可試此輪寶時王卽召四兵向金輪寶偏露右臂右膝着地以右手摩捫金輪語言汝向東方如法而轉勿違常則輪卽東轉時王卽將四兵隨其後行輪所住處王卽止駕爾時東方諸小王見大王至以金鉢盛銀粟銀鉢盛金粟來詣王所拜首白言善哉大王今此東方土地豐樂多諸珍寶人民熾盛志性仁和慈孝忠順唯願聖王於此治政我等當給使左右承受所治當時輪王語小王言止止諸賢汝等則爲供養我已但當以正法治化勿使偏枉無令國內有非法行身不殺生教

人不殺生偷盜邪淫兩舌惡口妄言綺語貪瞋嫉妬
邪見之人此卽名爲我之所治時諸小王聞是語已
卽從大王巡行諸國至東海表次行南方西方北方
隨輪所至其諸國王各獻國土亦如東方諸小王比
此閻浮提所有國名曰沃壤豐樂多出珍寶林水清
淨平廣之處輪則周行封地圖度東西十二由旬南
北七由旬天神於中夜造城郭其城七重七重欄楯
七重羅網七重行樹周帀校飾七寶所成乃至無數
衆鳥相和造此城已金輪於城中圖度封地東西四
由旬南北二由旬天神於中夜造宮殿七寶所成乃

至無數造宮殿已聖王踊躍而言此金輪寶眞爲我
瑞我今眞爲聖王是爲輪寶成就云何名爲白象寶
還清旦殿上坐自然象寶忽現在前其毛純白七處
平住力能飛行其首雜色六牙纖牖眞金間填時王
見已念言此象賢良卽試調習諸能悉備卽乘其上
清旦出城周行四海食時已還時王踴躍此眞我瑞
是爲象寶云何名爲紺馬寶成就還清旦殿上坐自
然馬寶忽現在前身紺青色珠鬣尾色頭頸如象善
能飛行時王見已此馬賢良卽試調習諸能悉備卽
乘其上清旦出城周行四海食時已還時王踴躍而

言此真我瑞是爲馬寶成就云何名爲神珠寶成就
還清旦殿上坐自然神珠忽現在前質色清徹無有
瑕穢時王見此神珠妙好若有光明可照宮內時王
欲試卽召四兵以此寶珠置高幢上於夜冥中寶幢
出城其珠光明照一由旬城中人民皆起作務謂爲
是晝時王踊躍而言此真我瑞是爲神珠寶成就云
何名爲玉女寶成就時玉女寶忽然出現顏色姿容
面貌端正不長不短不麤不細不白不黑不剛不柔
冬則身溫夏則身涼舉身毛孔出梅檀香口出優鉢
羅華香言語柔軟舉動安詳先起後坐不失儀則時

王見已心不暫捨况復親近踊躍而言此真我瑞是
爲玉女寶成就云何名爲居士寶成就時居士丈夫
忽然自出寶藏財富無量居士宿福眼能徹視地中
伏藏有主無主皆悉見知其有主者能爲擁護其無
主者取給王用時居士寶往白王言大王有所給無
不足爲憂我自能辦聖王欲試卽勅嚴船於水遊戲
告居士曰我須金寶汝速與我居士報曰大王小待
須至岸上王言正爾須寶時居士寶卽於船上長跪
以右手內着水中寶瓶隨出如蟲緣樹彼居士寶亦
復如是內之水中寶緣手出充滿船上而白王言向

須寶者爲須幾許時王語言止止吾無所須向相試耳聞王語已尋以寶物還沒水中聖王踊躍而言此真我瑞是爲居士寶成就云何名爲主兵寶成就時主兵寶忽然出現智謀雄猛英略獨決卽詣王所白言大王有所討伐不足爲憂我自能辦王欲試兵卽集四兵而告之曰汝今用兵未集者集已集者放未嚴者嚴已嚴者解未去者去已去者住時主兵寶卽令四兵依如王語王見踊躍而言此真我瑞是爲轉輪聖王七寶成就謂四神德一長壽不夭無能及者二身強無患無能及者三顏容端正無能及者四寶

藏盈溢無能及者王化國人慈育民物如父愛子國民慕王如子仰父所有珍奇盡以貢王願垂納受在意所與時王報曰且止諸人吾自有寶汝可自用王之國土安隱豐樂平正如掌衣食自然不須營覓唯行十善不爲非法猶如北單不可具述又十誦律云有阿耨達池縱廣五十由旬繞池四邊種種果樹善住象王宮殿住處有八千象以爲眷屬若轉輪聖王出於世時八千象中竄下小者出爲象寶給輪王乘又外大海內洲有月明山婆羅醯馬王宮殿住處有八千馬以爲眷屬若輪王出於世時八千馬中竄下

小者出爲馬寶給輪王乘又起世經云此象馬寶於
一日中暫受調伏堪任衆事爲試象馬於其晨朝日
初出時乘此象寶等周迴巡歷徧諸海岸盡大地際
既周徧已是轉輪王還至本宮乃進小食又大樓炭
經云轉輪聖王有四種德一者大富珍寶田宅奴婢
等天下無有如王者二者王最端正姝好顏色無比
天下無有如王者三者王常安隱無有疾病亦無寒
熱諸所飲食皆安隱四者王常安隱長壽天下無
有如王者是爲轉輪聖王四德具足七寶如法又薩
遮尼乾子經云佛言大王當知轉輪聖王復有七種

名爲輦寶所有功德少前七寶何等爲七一劍寶二
皮寶三牀寶四園寶五屋舍寶六衣寶七足所用寶
第一劍寶者輪王所用國內若有違王命者彼劍寶
卽從空飛往諸小王見卽降伏拜第二皮寶者此海
龍王皮出大海中廣五由旬長十由旬體淨鮮潔光
曜白日火燒不焦水漬不爛猛風吹不能動體含溫
涼能卻寒熱隨王去處皮寶亦去所有士衆滿十由
旬徧覆其上能作別屋不相妨礙第三牀寶者王所
用牀立能平正柔輦得所若王入禪卽入解脫禪定
三昧能滅貪瞋癡女人見王坐寶牀者卽皆得離貪

撰述
五
瞋癡心第四園寶者入彼園時卽得定心若王欲受
五欲樂時依王所行善業功德諸天界中所有華果
池河戲樂之具自然隱沒現於王前第五屋舍寶者
王入彼屋欲見日月星宿所有殊異珍玩伎樂屋中
悉聞卽離憂惱一切疲勞於睡眠中極受快樂第六
衣寶者王所有衣無如世間絹布絲縷縱廣文章第
一柔輒一切塵垢不能點汗著彼寶衣卽離寒熱饑
渴病憂而水火刀等所不能損第七足所用寶者所
謂鞞等若王著者涉水不沒入火不燒雖復遠行百
千由旬不覺疲極是名輪王七種輒寶是十善中少

分習氣功德非正具足十善業道又中阿含經云若
轉輪王出於世時當知有此七寶出世如是如來無
所著等正覺出於世時當知亦有七支寶出於世間
云何爲七一念覺支寶二擇法覺支寶三精進覺支
寶四喜覺支寶五息覺支寶六定覺支寶七捨覺支
寶

頂生部

如賢愚經云佛告比丘過去無量阿僧祇劫此閻浮
提有一大王名瞿薩離典四天下有八萬四千小國
有二萬夫人姝女一萬大臣時王頂上欵生一胞其

形如蠶淨潔清徹亦不疼痛後大如瓠便劈看之得一童子甚爲端正大王已崩頂生爲王七寶具足衣食音樂自然作樂經八萬四千歲時有夜叉踊出殿前高聲唱言東方有國名弗婆提其中豐樂快善無比大王可往王卽悅意欲行金輪復轉躡虛而進群臣七寶皆悉隨從旣至彼土諸小王等盡來朝賀王於彼國五欲自恣經八千歲夜叉復言西方有國名瞿耶尼王可至彼還如前去經十四億歲夜叉復唱北方有國名鬱單越王可到彼還如前去經十八億歲夜叉復唱有四天王處其樂難量王可遊之王與

群臣及四種兵乘空而上四天遙見甚懷恐怖卽合軍衆出外拒之竟不柰何頂生於中優游受樂經十億歲意中復念欲升忉利卽與群臣蹈虛登上時有五百仙人住在須彌山腹王之象馬屎尿下落汗仙人身諸仙相問何緣有此中有智者告衆人言吾聞頂生王欲上三十三天必是象馬失此不淨仙人忿恨便結神咒令頂生王及其人衆悉住不轉王後知之卽立誓願若我有福斯諸仙人悉皆當來承王威感五百仙人盡到王邊扶輪御馬其至天上未到之頃遙覩天城名曰快見其色皦白高顯殊特此快見

城有千二百門諸天怖畏悉閉諸門著三重鐵關頂
生兵衆直趣不疑王卽取貝吹之張弓扣彈千二百
門一時皆開帝釋尋出與其相見因請入宮與其分
坐天帝人王貌類一種其初見者不能分別唯以視
瞬遲疾知其異耳王於天上受五欲樂盡三十三天
末後欲害帝釋獨霸爲快惡心已生尋卽墮落當本
殿前委頓欲死諸人來問頂生答曰統領四域三十
億歲七日雨寶及在二天而無厭足故致墮落阿難
又問此頂生王宿殖何福而獲大報佛告之曰乃往
過去不可計劫時世有佛號曰弗沙與其徒衆遊化

世間時婆羅門子適欲娶婦手把大豆當用散婦是
其曩世俗之家禮於道值佛心意歡喜卽持此豆奉
散於佛四粒入鉢一粒住頂由此因緣受無極福四
粒入鉢王四天下一粒在頂受樂二天又頂生王故
事經云爾時頂生適生是念卽於釋提桓因坐處墮
閻浮提及四部兵還失神足舉身皆痛如人欲死時
七寶等皆亦命終爾時大王五處親屬皆悉雲集往
頂生所白頂生曰大王命終後苦備有爾時頂生王
者卽我身是當知乃至五欲而無厭足洙著聚集貯
欲無厭所謂足者至賢聖道然後乃足爾時世尊便

說偈言

不以錢財業 覺知欲厭足 樂少苦惱多

智者所不為 設於五欲中 竟不愛樂彼

愛盡便得樂 是三佛弟子 食欲拘利歲

終便入地獄 本欲安所生 命為苦所切

諸法悉無常 生者必壞敗 生生悉歸盡

彼滅第一樂

爾時尊者阿難聞佛所說歡喜奉行又起世經云輪
王捨命必生天上與三十三天同處共生命終已後
始經七日七寶並皆隱沒

育王部

如雜阿含經云爾時世尊晨朝著衣持鉢共諸比丘
入王舍城乞食時彼世尊先相普照如千日之焰順
邑而行時彼有兩童子一者上姓二者次姓共在沙
中嬉戲一名闍耶二名毗闍耶遙見世尊來三十二
大人相莊嚴其體時闍耶童子心念我當以麥麩手
捧細沙著世尊鉢中時闍耶合掌隨喜而發願言以
惠施善功德令得一天下繖蓋王即於此生得供養
佛乃至得成無上正覺故世尊發微笑相爾時阿難
見世尊微笑即便合掌向佛白言世尊非無因緣而

發微笑世尊以何因緣而發微笑爾時世尊告阿難曰我今笑者其有因緣阿難當知我滅度百年之後此童子於巴連邑統領一方爲轉輪王姓孔雀名阿育正法治化又復廣布我舍利當造八萬四千法王之塔安樂無量衆生如偈所說

於我滅度後 是人當作王 孔雀姓名育

譬如頂生王 於此閻浮提 獨王世所尊

佛告阿難取此鉢中所施之沙捨著如來經行處令當生彼處阿難受教卽取鉢沙捨經行處阿難當知於巴連弗邑有王名日月護彼王當生子名曰頻頭

婆羅當治彼國彼復有子名曰修師摩時彼瞻婆國有一婆羅門女極爲端正令人樂見爲國所珍諸相師輩見彼女相卽記彼女當爲王妃又生二子一當領一天下二當出家學道當得聖迹時婆羅門聞彼相師所說歡喜無量卽莊嚴女嫁與此王王見其女端正有德卽爲夫人前夫人及諸姝女見其夫人來作是念言此女端正國中所珍王棄捨我等乃至目所不視諸女卽使學習剃毛師業彼悉學已爲王料理鬚髮料理之時王大歡喜卽問彼女汝何所求欲女啓王言唯願王心愛念我耳如是三啓時王言我

是刹利灌頂王汝是剃毛師云何得愛念汝彼女白
王言我非是下姓生乃是高婆羅門之女相師語我
父云此女應嫁與國王是故來至此耳王言若然者
誰令汝習下劣之業女啓王言是舊夫人媠女令我
學此王卽勅言自今勿復習下業王卽立爲第一夫
人王恒與彼自相娛樂仍便懷體月滿生子生時安
隱母無憂惱過七日後立字名無憂又復生子名曰
離憂無憂者身體羸澀以其施沙得相似果父王不大附捉情
所不念又王欲試二子呼賓伽羅阿時婆羅門言和
尚觀我諸子於我滅後誰當作王婆羅門言將此諸

子出城金殿園館中於彼當觀其相乃至出往彼園
時阿育王母言承王出向金殿園館中觀諸王子誰
當作王汝今云何不去阿育啓言王既不念我亦復
不樂見我母復語言但往彼所阿育復啓母言今便
往去願母當送飯食母言如是當出城門時逢一大
臣名曰阿菟羅隨此臣問阿育言王子今至何所阿
育答言聞大王出金殿園館觀諸王子於我滅後誰
當作王今往詣彼王先勅大臣若阿育來者當使其
乘老鈍象又復老人爲眷屬時阿育乘是老象乃至
園館中於諸王子中地坐時諸王子各下飯食阿育

母以瓦器盛酪飯送與阿育如是諸王子各食飲食時父王問師言此中誰有王相當紹我位時彼相師視諸王子見阿育具有王相當得紹位我若語言王愁不樂即語言我今總記王報言如師所教師言此中若有乘好乘者是人當作王時諸王子聞彼所報各念言我乘好乘時阿育言我乘老象我得作王又言此中有第一座者彼當作王諸王子各相謂言我坐第一座阿育言我今坐地是我勝座我當作王又言此中上器食者此當作王乃至阿育念言我有勝乘勝座勝食時王觀子相畢便即還宮時阿育母問

阿育言誰當作王婆羅門記誰耶阿育啓言上乘上座上器上食當作王王子自見當作王老象爲乘以地爲座素器盛食秬米雜酪飯時彼婆羅門知阿育當作王數修敬其母其母亦重餉婆羅門若子作王者師當一切善得吉利盡形供養時頻頭羅王邊國德叉尸羅反時王語阿育汝將四兵衆伐彼國王子去時都不與兵甲時諸從者白王子言今往伐彼國無有軍仗云何得平阿育言我若爲王善根果報者兵甲自然來應發是語時尋聲地闕兵甲從地而出即將四兵往伐彼國時彼諸國人民聞阿育來即平

治道路莊飾城郭執持吉瓶之水及種種供養奉迎
王子而作是言我等不反大王及阿育王子然諸臣
輩不利我等是故違背聖化卽以種種供養王子請
入城邑平此國已又使至伐佉沙國時彼二大力士
爲王平治道路諸天宣令阿育當王此天下汝等勿
興逆意彼國王卽便降伏如是乃至平此天下至於
海際時父王得重疾王語諸臣吾今欲立修師摩爲
王令阿育往至彼國時諸臣欲令阿育作王以黃物
塗阿育體及面手脚已諸臣白王言阿育王子今得
重疾諸臣卽便莊嚴阿育將至王所今且立此子爲

王我等後徐徐當立修師摩爲王時王聞此語甚以
不喜默然不對時阿育心念口言我應正得王位諸
天自然來以水灌我頂素繒繫首時王見此相貌極
生愁惱卽便命終阿育王如禮法殯父王已卽立阿
菟樓陁爲大臣時修師摩王子聞父崩背今立阿育
爲王心生不忍卽集諸兵而來伐阿育阿育王四門
中二門安二力士第三門安大臣自守東門時阿菟
樓陁作機關木象又作阿育王形像如騎象安置東
門外又作無煙火坑以物覆之修師摩旣來到阿菟
樓陁大臣語脩師摩王子欲作王者阿育在東門可

往伐之能得此王者自然得作王時彼王子卽趣東門卽墮火坑便卽死有一大力士名曰跋陀申陀聞脩師摩終亾獸世將無眷屬於佛法中出家學道得阿羅漢時諸臣輩我等共立阿育爲王故輕慢於王不行君臣之禮王亦自知諸臣輕慢於我時王語諸臣曰汝等可伐華果之樹殖於刺棘諸臣答曰未嘗見聞却除華果而殖刺樹而應除伐刺棘樹而殖果實乃至二三勅令伐彼亦不從爾時國王忿諸大臣卽持利劍殺五百大臣又時王將姝女眷屬出外園中遊戲見一無憂樹華極敷盛王見此華樹與我

同名心懷歡喜王形體醜陋皮膚麤澀諸姝女輩心不愛王憎惡王故以手毀折無憂華樹王從眠覺見無憂樹華狼藉在地心生忿怒繫諸姝女以火燒殺王行暴惡故曰暴惡阿育王時阿菟樓陀大臣白言王不應爲是法云何以手自殺人諸臣姝女王今當立屠殺之人應有可殺以付彼人王卽宣教立屠殺者彼有一山名曰耆梨中有一織師家織師有一子亦名耆梨凶惡搗打繫縛小男小女及捕水陸之生乃至拒逆父母是故世人傳云凶惡耆梨子時王使語彼汝能爲王斬諸凶不彼答曰一切閻浮提有罪

者我能淨除況復此一方時彼使輩還啓王言彼人已得王言覓將來耶諸使呼彼答言小忍先奉辭父母具說上事父母言子不應行是事如是三勅彼生不仁之心即便殺父母已然後乃至諸使問曰何以經久不遠來耶時彼凶惡具說上事以具啓王王卽勅彼我所有罪人事應至死汝當知之彼啓王言爲我作舍王爲作舍極爲端嚴唯開一門亦極精嚴於其中間作治罪之法狀如地獄彼凶惡人啓王乞願若人來入此中者不復得出王答言當以與願彼諸徒主往詣寺中聽諸比丘說地獄事時有比丘至誦

地獄經有衆生生地獄者以熱鐵鉗鉗開其口以熱鐵丸著其口中次融銅灌口復以鐵斧斬截其體次復杻械枷鎖檢繫其身次復火車鑪炭次復鐵鑊次復灰河次復刀山劍樹具如天五使經所說彼徒主具聞比丘說是諸事開其佳處所作治罪之法如彼所說案此法則而治罪人又一商主入海十年採諸重寶還到本鄉道中值五百群賊殺於商主商主之子見父死及失寶物厭世出家遊行諸國次至巴連弗邑過此夜已晨朝著衣持鉢入城乞食誤入屠殺舍中時彼比丘遙見舍裏火車鑪炭等治諸衆生如

地獄中尋生恐怖衣毛皆豎便欲出門時凶惡主卽
往執彼比丘言入此中者無有得出汝今此死比丘
聞說心生悲毒泣淚滿目凶主問曰汝云何如小兒
啼爾時比丘以偈答曰

我不忍畏死	志願求解脫	所求不成果
是故我啼泣	人身極難得	出家亦復然
遇釋師子王	自今不重覩	

爾時凶主語比丘曰汝今必死何所憂惱比丘復以
哀言答云乞我少時生命可至一月彼凶不聽如是
日數減止七日彼卽聽許時此比丘知將死不久勇

猛精進坐禪息心終不能得道至於七日時王宮內
人有人事至死送付凶惡之人令治其罪凶惡將是女
人著曰中以杵搗之令成碎沫時比丘見是事極猷
惡此身嗚呼苦哉我不久亦當如是而說偈言

嗚呼大悲師	演說正妙法	此身如聚沫
於義無有實	向者美女色	今將何所在
生死極可捨	愚人而貪著	係心緣彼處
今當脫鐵木	今度三有苦	畢竟不復生
如是勤方便	專精修佛法	斷除一切結
得成阿羅漢		

時彼凶惡人語此比丘期限已盡比丘問曰我不解爾之所說彼凶答曰先期七日今既已滿比丘以偈答曰

我心得解脫 無明大黑闇 斷除諸有益

以殺煩惱賊 慧日今已出 鑒察心意識

明了見生死 今者愍人時 隨順諸聖法

我今此身骸 任爾之所為 無復有恡惜

爾時彼凶惡主執彼比丘著鐵鑊油中足與薪火火終不然假使然者或復不熱凶主見火不然打拍使者而自然火火即猛盛久久見開鐵鑊蓋見彼比丘

鐵鑊中蓮華上坐生希有心即啓國王王即便嚴駕將無量眾來看比丘時彼比丘調伏時至即身升虛空猶如鴈王示種種變化如偈所說

王見是比丘 身昇在虛空 心懷大歡喜

合掌觀彼聖 我今有所白 意中所不解

形體無異人 神通未曾有 為我分別說

修習何等法 令汝得清淨 為我廣敷演

令得勝妙法 我了法相已 為汝作弟子

畢竟無有悔

時彼比丘而作是念我今伏是王多有所導攝持佛

法當廣分布如來舍利安樂無量衆生於此閻浮提
盡令信三寶以是因緣故自顯其德時阿育王聞彼
比丘所說自於佛所生大敬信又白比丘言佛未滅
度時何所記說比丘答言佛記大王於我滅後過百
歲之時於巴連弗邑有三億家彼國有王名曰阿育
當王此閻浮提爲轉輪王正法治化又復宣布我舍
利於閻浮提立八萬四千塔佛如是記大王然大王
今造此大地獄殺害無量民人王應慈念一切衆生
施其無畏令得安隱時彼阿育王於佛所極生敬信
合掌向比丘作禮我得大罪今向比丘懺悔我之所

作甚爲不可願受我懺勿復責我愚人今復歸命時
彼比丘度阿育王已乘空而化時王從彼地獄出凶
惡白王言王不復得去王曰汝今欲殺我耶彼曰如
是王曰誰先入此中答曰我是王曰若然者汝先應
取死王卽勅人將此凶惡王著作膠舍裏以火燒之
又勅壞此地獄施衆生無畏又雜阿含經云阿育王
言我今先當供養所覺菩提之樹然後香美飲食施
設於僧勅諸臣唱令國界王今捨十萬兩金布施衆
僧千甕香湯漑灌菩提樹集諸五衆時王子名曰拘
那羅在右邊舉二指而不言說意欲二倍供養大衆

見之皆盡發笑王亦發笑而語言嗚呼王子乃有增益功德供養王復言我復以三十萬兩金供養衆僧復加千甕香湯洗浴菩提樹時王子復舉四指意在四倍時王瞋恚語諸臣曰誰教王子作是事與我興競臣啓王言誰敢與王興競然王子聰慧利根增益功德故作是事耳時王右顧視王子白上座耶舍曰除我庫藏之物餘一切物閻浮提夫人姝女諸臣眷屬及我拘那羅子皆悉布施賢聖衆僧唱令國界集諸比丘衆而說偈言

除王庫藏物 夫人及姝女 臣民一切衆

布施賢聖僧 我身及王子 亦復悉捨與
時王子座及比丘僧以甕香湯洗浴菩提樹時菩提樹倍復嚴好增長茂盛以偈頌曰

王浴菩提樹 無上之所覺 樹增於茂盛
柯條葉柔輒

時王及諸群臣生大歡喜時王洗浴菩提樹已次復供養衆僧時彼上座耶舍語王言大王今有大比丘僧集當發淳信心供養時王從上至下自手供養復以三衣并四億萬兩珍寶驪五部衆願已復以四十億萬兩珍寶贖取閻浮提宮人姝女及太子群臣

阿育所作功德無量如是又雜阿含經云阿育王問諸比丘言誰於如來法中行大布施諸比丘白言給孤獨長者最行大施王復問曰彼施幾許寶物比丘答曰以億千金王聞是已彼長者尚能捨億千金我今爲王何緣復以億千金施當以億百千金施時王起八萬四千佛塔於彼一一塔中復施百千金復作五歲大會會有三百比丘用三百億金供養於彼彼衆中第一分是阿羅漢第二分是學人第三分是眞實凡夫除私庫藏此閻浮提夫人姝女太子大臣施與聖僧四十億金還贖取如是計校用九十六億

千金乃至王得病欲以滿億百千金作功德今願不得滿足便就後世時計校前後所施金銀珍寶唯減四億未滿王卽辦諸珍寶送與雞雀寺中法益之子名三波提爲太子諸臣等啓太子言大王將終不久今以此珍寶送與寺中今庫藏財寶以竭諸王法以物爲尊太子今宜斷之勿使大王用之時大王自知索諸物不復能得所食金器送與寺中時太子令斷金器勅以銀器王食已復送寺中又斷銀器給以銅器王亦送寺中又斷銅器給以瓦器時大王手中有半阿摩勒果悲淚告諸大臣今誰爲地主時諸臣啓

白大王王爲地主王卽說偈答曰

汝等護我心 何假虛妄語 我今坐王位

不復得自在 阿摩勒半果 今在於我手

此卽是我物 於是得自在 嗚呼尊富貴

可厭可棄捨 先領閻浮提 今一旦貧至

如恒河駛流 一逝而不反 富貴亦復然

逝者不復還

時阿育王呼侍者言汝今憶我恩養汝持此半阿摩勒果送雞雀寺中作我意禮拜諸比丘僧足白言阿育王問訊諸大衆我是阿育王領此閻浮提閻浮提

是我所有今者預盡無有財寶布施衆僧於一切財而不得自在今唯此半阿摩勒果我得自由此是寔後布施檀波羅蜜哀愍我故納受此施令我得供養僧福時彼使者受王勅已卽持此半果至雞雀寺中至上座前五體投地作禮長跪合掌具向上座說前王教時彼上座告諸大衆誰聞是語而不厭世時彼上座令此半果一切衆僧得其分食卽教令研磨著石榴羹中行已衆僧一切皆得周徧時王復問傍臣曰誰是閻浮提王臣答王言大王是也時王從卧起而坐顧望四方合掌作禮念諸佛德心念口言我今

復以此閻浮提施與三寶隨意用之時王以此語盡書紙上而封緘之以齒印印之作是事畢便即就盡爾時太子臣民葬送王已諸臣欲立太子紹王位中有大臣名曰阿菟樓陀語諸臣曰不得立太子為王大王在時願滿億百千金作諸功德唯減四億不滿億百千以是之故全捨閻浮提施與三寶欲令滿足今是大地屬於三寶云何而立太子為王時諸臣聞已即送四億金送與寺中即便立法益之子為王名三波提頌曰

睿業澄暉

徇祐因淨

七寶來投

千子威併

十善御宇

四洲歸正

無思不愜

有意斯盛

秉式康衢

昆蟲養性

八萬增壽

四八炎瑩

鬼神翔衛

不言而令

樂哉至矣

輪王顯聖

法苑珠林卷第五十六

校譌

第十八紙

六行女色朱南藏作色女

第二十三紙

十八行益下朱南藏無之

字

音釋

劇竭戰切輻方六切臚五中切駿祖冬切縷兩舉切

也甚也輶毀遮切有輶也輶披教切輶吉典切輶胡故切輶亦

也切輶必駕切貯直呂切織蘇簡切杭古衡切不

餉式亮切輶把也輶職瓜切膠居肴切輶初觀切緘古街切

也也輶擊也輶結膏也輶施也輶切輶切

雲間居士陸彥積施贊刻此
法苑珠林第五十六卷 吳江比丘明覺對 眞
州工國英書 留守衛人龍文明刻
萬曆辛卯冬清涼山妙德庵識

法苑珠林卷第五十七

唐上都西明寺沙門釋道世玄暉撰

君臣篇第四十一

述意部

咎如來在世預以末法囑累帝釋及諸國王良由天
力可以摧萬邪王威可以率兆庶也今遺法可付者
意在仗以流通以四衆之微弱恐三寶之廢壞藉王
者以威伏假王者以勢逼令有不肖者寢其瑕疵訕
黷者掩其紕紊助大猷以惟新扇皇風以遐暢一變
告其漸再變滌區宇群生佩聖德之恩佛法得委寄

之道斯付囑之謂也如俗曰管者聖王之制意使陰陽有位君臣有章男女有別政令有序故王者南面而治天下居后於北宮居太子於東方天子立廟王后立市日蝕則王修德月蝕則后修形此體陰陽之位也故乾始於子故子爲天正坤始於未其衡在丑陰不專制往而承陽故丑爲地正聖王承天序地以成其功故寅爲人正三正迭用有變無絕是以王者必存三代之後體三正也易曰西南得朋乃與類行東北喪朋乃終有慶故使臣從乎君女歸乎男也乾始於子左行而終於戌坤始於未右行而終於酉故

使男貴左女貴右也

王德部

依瑜伽論云大王當知王之功德略有十種王若成就如是功德雖無大府庫無大輔佐無大軍衆而可歸仰何等爲十一種姓尊高二得大自在三性不暴惡四情發輕微五恩惠猛利六受正直言七所作諦思善順儀則八顧戀善法九善知差別知所住思十不自縱任不行放逸翻前十種雖有大庫大佐大軍不可歸仰大王當知王之方便略有五種何等爲五一善觀察攝受群臣二能以時行恩妙行三無放逸專思機務四無放逸

善守府庫五無放逸專修法行若翻前五行便成五

失法利也大王當知略有五種可愛樂法何等為五一世

所敬愛二自在增上三能摧怨敵四善攝養身五能

往善趣復有五種能引可愛何等為五一恩養世間

二英勇具足三善權方便四正受境界五勤修法行

翻前五種各不可愛又諸國王有三種圓滿一果報圓滿二士

用圓滿三功德圓滿若諸國王生富貴家長壽少病

有大宗業成就俱生聰利之慧是王名為果報圓滿

若諸國王善權方便所攝持故恒常成就圓滿英勇

是王名為士用圓滿若諸國王任持正法名為法王

安住正法與諸內宮王子群臣英傑豪貴國人共修

惠施樹福受齋堅持禁戒是王名為功德圓滿又果

報圓滿者受用先世淨業果報士用圓滿者受用現

法可愛之果功德圓滿者亦於當來受用圓滿淨業

果報若有國王三不具足名為下士若有果報圓滿

或士用圓滿或俱圓滿名為中士若三具足名為上

士又中阿含經云若諸王刹利以水灑頂得為人主

整御大地有五儀式一劍二蓋三天冠四珠柄拂五

嚴飾履一切除却復有三臣一有忠信無伎能智慧

二有忠信伎能無智慧三具忠信伎能智慧初名下

撰述
士次名中士後名上士若不忠信無有伎能亦無智
慧當知此臣下中之下

王過部

如像法決疑經云乃至一切俗人不問貴賤不得過
打三寶奴婢畜生及受三寶奴婢禮拜皆得殃咎故
薩遮尼撻經云若破塔寺或取佛物若教作助喜若
有沙門身着浣衣或有持戒破戒若繫閉打縛或令
還俗或斷其命若犯如是根本重罪決定墮地獄受
無間苦以王國內行此不善諸仙聖人出國而去大
力諸神不護其國大臣諍競四方咸起水旱不調風

雨失時人民饑餓劫賊縱橫疫癘疾病死亡無數不
知自作而怨諸天又仁王經云國王大臣自恃高貴
滅破吾法以作制法制我弟子不聽出家不聽造作
佛像立統官制等安藉記錄僧比丘地立白衣高坐
又國王太子橫作法制不依佛教因緣破僧因緣統
官攝僧典主僧藉苦相攝持佛法不久又瑜伽論云
大王當知王過有十何等爲十一種姓不高二不得
自在三立性暴惡四猛利憤發五恩惠奢薄六受邪
佞言七所作不思不順儀則八不顧善法九不知差
別忘所作恩十一向縱任專行放逸又百喻經云管

有一人說王過罪而作是言王甚暴虐治政無理王聞是語既大瞋恚竟不究悉信佞人捉此賢臣仰使剝脊取百兩肉有人證明此無是語王心便悔索千兩肉用爲補脊夜中呻喚甚大苦惱王聞其聲問言何以苦惱取汝百兩十陪與汝意不足耶何故苦惱傷人答言大王如截子頭雖得千頭不免子死雖十倍得肉不免苦痛愚人亦爾不畏後世貪濁現樂苦切衆生調發百姓多得財物望得滅罪而得福報譬如彼王割人之脊取人之肉以餘肉補望使不痛無有是處又雜譬喻經云管有國王喜食人肉勅廚

士曰汝等夜行密採人來以供廚食以此爲常臣下咸知卽共斥逐捐於界外更取良賢以爲國王於是噉人王經十三年後身生兩翅飛行噉人無復遠近向山樹神請求祈福當取國王五百人身祠山樹神使我復還國土便飛行取之已得四百九十九人將之山谷以石塞口時有國王將諸後宮詣池浴戲始出宮門逢一道人說偈求乞王卽許之還宮當賜金銀時王入池當欲澡洗其噉人王空中飛來抱王得去還於山中國王見噉人王不恐不怖顏色如故噉人王曰吾本捕人當持祠天已得四百九十九人今

得卿一人其數已滿殺以祠天汝何不懼國王對曰
人生有死物成有敗合會有離對來分之何須愁耶
旦出宮時路逢道人爲吾說偈卽許施物今未得與
以是爲恨今王弘慈寬恕假日施訖還來不敢違要
也卽聽令去而告之曰與汝七日期若不還者吾往
取汝亦無難也王卽還宮都中內外莫不歡喜卽開
庫藏布施遠近拜太子爲王懸勲百姓辭決而去噉
人王逢見其來念曰此得無異人乎從死得生而故
來還卽問曰身命世人所重愛者也而卿捨命世之
難有不審何所志趣願說其意國王答曰卽日吾施

至誠願當得阿惟越三佛願度十方彼王問曰求佛
之義其事云何國王便爲廣說五戒十善四等六度
心開豁然從受五戒爲清信士因放四百九十九人
各令還國諸王共至其國感其信誓蒙得濟命各不
肯還於本國遂便住止此國於此國王各爲立第一
舍雕文刻鏤光飾嚴整諸國王飲食服御與王無異
四方人來問言何以有此如王舍宅徧一國中衆人
答曰皆是諸王舍也各遂遠布從此已來故號爲王
舍城也佛得道已自說本末立信王者我身是也噉
人王者鴛崛摩是今還王舍城說法所度無量皆是

宿命作王時因緣人也

王業部

如諫王經云佛在世時有國王名不離先尼出行國界道過佛所爲佛作禮就座而坐佛告王曰王治當以正法無失節度常以慈心養育人民所以得霸治爲國王者皆由宿命行善所致統理民事不可偏枉諸官公卿群僚下吏凡民皆有怨辭王治行不平海內皆忿身死神人太山地獄後雖悔之無所復及王治國平政常以節度臣民歎德四海歸心天龍鬼神皆聞王善死得上天後亦無悔王無好姪洸以自荒

壤無以忿意有所殘賊當受忠臣剛直之諫夫與人言常以寬詳無灼熱之唯有孝順慈養二親供事高行清淨沙門見凡老人當尊敬之所有財寶與臣同歡當以善心施惠於民無以讒言殘賊民命爲王之法當宣聖道教民爲善唯守一心心存三尊王者如斯諸聖咨嗟天龍鬼神擁護其國生有榮譽死得上天世間榮位如幻如夢不可久保人欲死時諸家內外聚會無邊椎胸呼天皆云奈何淚下交橫嗚呼痛哉神靈獨逝捨吾之乎聞之者莫不傷心覩之者莫不助哀載之出城捐於曠野飛鳥走獸獸掣食之身

中有蟲還食其肉日炙風飄骨皆爲乾往管尊榮豪貴隱隱闐闐亦如大王今者霍然不復見之此是無常之明證也古尚如此況於今日王熟思之無念姪泐無受佞言證人入罪當受忠諫治以節度當畏地獄考治之痛諸舍血蟲皆貪生活不當殺之佛說經竟王意卽解願爲弟子卽受五戒頭面着地爲佛作禮又摩達國王經云佛在世時有國王號名摩達王時當出軍征討時有比丘已得羅漢道到國分衛並見錄將詣王宮門王有馬監令比丘養視官馬勤苦七日王後身自臨視軍陣比丘見王卽於其前輕舉

飛翔上住空中現其威神王便恐怖叩頭悔過我實愚癡不別真僞推問國內誰令神人爲是養馬今當治殺比丘告王言非王及國人過也自我宿命行道常供養師我時爲師設飯師謂我言且先澡手已乃當飯我愚癡心念言師亦不養官馬何故不預澡手師卽謂我言汝今念此輕耳後重如何我聞是語便愁憂之師知其意便念言我會當泥洹何故令人惱耶卽以其夜三更時般泥洹從來久遠各更生死今用是故受其宿殃養馬七日夫善惡行輒有殃福如影隨形王聞罪福乞歸命三寶受五戒作優婆塞佛

便爲王及人民說法得須陀洹道又法句喻經云管
有國王治行正法民慕其化無有太子以爲憂愁佛
來入國遵受五戒奉敬不懈有一給使其年十一常
爲王使忠信奉法不以爲勞卒得重病遂致無常其
神來還爲王作子至年十五立爲太子父王命終習
代爲王憍慢自恣不理國事臣寮廢調民被其患佛
知其行不會本識將諸弟子往到其國佛告王曰今
王自知本所從來不王曰愚暗不達不知先世佛告
大王本以五事得爲國王何等爲五一者布施得爲
國王萬民奉獻宮觀資財無極二者興立寺廟供養

三尊牀榻幃帳以是爲王在於正殿御座理國三者
親身禮敬三尊及諸長德以是爲王一切萬民莫不
爲之作禮四者忍辱身三口四及意無惡以是爲王
一切見者莫不歡喜五者學問常求智慧以是爲王
決斷國事莫不奉行此之五事世世爲王王前世時
爲大王給使奉佛以信奉法以愛奉僧以敬奉親以
孝奉君以忠常行一心精進布施勞身苦體初不懈
倦是福追身得爲王子補王之弟今者富貴而反懈
怠夫爲國王當行五事何謂爲五一者領理萬民無
有枉濫二者養育將士隨時稟與三者念修本業福

德無絕 四者當信忠臣正直之諫無受讒言以傷正
直五者節欲貪樂心不放逸行此五事名聞四海福
祿自來捨此五事衆綱不舉民窮則思亂士勞則勢
不舉無福則鬼神不助自用則失大理忠臣不敢諫
則心蕩放逸國王不理務民則多怨若如是者身失
令名復則無福於是世尊重說偈言

夫爲世間將 修正不阿枉 心調勝諸惡

如是爲法王 見正能修慧 仁愛好利人

既利以平均 如是衆附親

佛說是時王大歡喜五體懺悔謝佛聞法得須陀洹

道又賓頭盧爲優陀延王說法經云管輔相子賓頭
盧阿羅漢爲優陀延王說偈云

生老病死患 於中未解脫 無明愛毒箭

猶未得拔出 人帝汝云何 而生樂着想

如象處林中 四邊大火起 處此急難處

云何有歡喜 大王應當知 榮位須更間

智者淡觀察 不應於此事 而生希有想

汝何故鎔解 未脫生死胎 橫生無畏想

欲賊劫諸根 橫生無畏想 無常不堅固

如芭蕉水沫 亦如浮雲散 天王尊勝位

危脆亦如是 人帝應當知 貪利極速駛

如水注溪谷 嗜欲極輕疾 動轉如掉索

愚癡染爲欲 不覺致墮落

尊者言大王我今爲王略說譬喻王至心聽昔日有人行在曠路逢大惡象爲象所逐狂懼走突無所依怙見一丘井卽尋樹根入井中藏上有黑白二鼠牙齧樹根此井四邊有四毒蛇欲螫其人而此井下有三大毒龍傍畏四地下畏毒龍所攀之樹其根動搖樹上有蜜五滴墮其口中于時動樹敲壞蜂窠衆蜂散飛咬螫其人有野火起復來燒樹大王當知彼人

苦惱不可稱計而彼人得味甚少苦患甚多其所味者如牛跡水其所苦患猶如大海味如芥子苦如須彌味如螢火苦如日月如藕根孔比於太虛亦如蚊子比金翅鳥其味苦惱多少如是尊者言大王曠野者喻於生死彼男子者喻於凡夫象喻於無常丘井喻於人身樹根喻於人命白黑鼠者喻於晝夜齧樹根者喻念念滅四毒蛇者喻於四大蜜者喻於五欲衆蜂喻惡覺觀野火燒者喻其老邁下有三毒龍者喻其死亾墮三惡道是故當知欲味甚少苦患甚多生老病死於一切人皆得自在世間之人身心勞苦

無歸依處衆苦所逼輕疾如電是可憂愁不應愛着

王福部

如舊雜譬喻經云晉有國王出射獵還過寺遶塔爲沙門作禮群臣共笑之王覺知問群臣曰有金在釜釜沸以手取得不答曰不可得王言汝以冷水投中可得取不臣白王曰可得也王言我行王事射獵所作如湯沸燒香然燈遶塔禮僧如持冷水投沸湯中夫作王有善惡之行何爲但有惡無善乎又迦葉經云佛告迦葉過去無量阿僧祇劫有佛號妙華時有輪王名曰尼彌如法治世主四天下爾時大王見二

化生童子得出家已卽以太子令紹王位王與九百九十九子八萬四千夫人五千大臣及諸人民以淨信心俱共出家爾時太子登位七日內自思惟我終不捨薩婆若心何用王位作是念已發心出家於十五日遊四天下說此偈言

我父及親屬

皆悉已出家

無量億衆生

爲法亦出家

我今樂出家

不樂住五欲

一心求出道

欲詣導師所

若發心出家

離諸欲火者

應速隨我去

離難甚難得

不發出家心

不遠離欲火

安心在居家

安住於實法

迦葉時彼童子說此偈時四天下中無一衆生樂在家者皆悉發心願求出家既出家已不須種植其地自然生諸秬米諸樹自然生諸衣服一切諸天供侍給使一切衆生皆得道果

王都部

如十二遊經云波私匿王者晉言和悅迦維羅越國者晉言妙德舍衛國者晉言無物不有維耶離國者晉言廣大一名度生死羅閱祇城者晉言王舍城鳩畱國者晉言智士波羅柰國者晉言鹿野一名諸佛

國閻浮提中有十六大國八萬四千城有八國王四天子東有晉天子人民熾盛南有天竺國天子土地多饒象西有大秦國天子土地饒金玉西北有月支天子土地多好馬八萬四千城中有六千四百種人萬物音響各別有五十六萬億丘聚魚有六千四百種鳥有四千五百種獸有二千四百種樹有萬種艸有八千種雜藥有七百四十種襍香有四十三種寶有百二十一種正寶有七種海中有二千五百國有百八十國人噉五穀有三百三十國人噉魚鼈龜鼉五大國王一王主五百城第一王名斯黎國土地盡

事佛不事衆邪第二王名迦羅土地出七寶第三王
名不羅土地出四十種香及白瑠璃第四王名闍耶
土地出華鉢胡椒第五王名那頰土地出白珠及七
色瑠璃五大國城人多黑色短小相去六十五萬里
從是以去但有海水無有人民去鐵圍山百四十萬
里又智度論問曰如舍婆提諸大城皆有諸王舍何
故獨名此城爲王舍城答曰有人言是摩迦陁國王
有子一頭兩面四臂時人以爲不祥王卽裂其身骨
棄之曠野羅刹女鬼名闍羅還合其身而乳養之後
大成人力能并諸國王有天下取諸國王萬八千人

置此五山中以大力勢治閻浮提人因名此山爲王
舍城復有人言摩迦陁王先所住城城中失火一燒
一作如是至七國人疲役王大憂怖集諸智人問其
意故有言宜應易處王卽更求住處見此五山周而
如城卽作宮殿於中止住以是義故名王舍城復往
古世時此國有王名婆藪心厭世法出家作仙人是
時居家婆羅門與出家諸仙人共論議居家婆羅門
言經書云天祀中應殺生噉肉諸出家仙人言不應
天祀中殺生噉肉其諍云云諸出家婆羅門言此有
大王出家作仙人汝等信不諸居家婆羅門言信諸

出家仙人言我以此人爲證後日當問諸居家婆羅
門卽以其夜先到婆藪仙人所種種問已語婆藪仙
人明日論議汝當助我如是明旦論時諸出家仙人
問婆藪仙人天祀中應殺生噉肉不婆藪仙人言婆
羅門法天祀中應殺生噉肉諸出家仙人言於汝實
心云何婆藪仙人言爲天祀故應殺生噉肉此生在
天祀中死故得生天上諸出家仙人言汝大不是汝
大妄語卽啞之言罪人滅去是時婆藪仙人尋陷入
地沒踝是初開大罪門故諸出家仙人言汝應實語
若故妄語者汝身當陷入地中婆藪仙人言我知爲

天故殺生噉肉無罪卽復陷入地至膝如是漸漸稍
沒至腰至頂諸出家仙人言汝今妄語得現世報更
以實語者雖入地下我能出汝令得免罪爾時婆藪
仙人自思惟言我貴人不應兩種語又婆羅門四韋
陀法中種種因緣讚祠天法我一人死當何足計一
心言天應天祀中殺生噉肉無罪諸出家人言汝重
罪人催去不用見汝於是舉身沒地中從是已來乃
至今日常用婆藪仙人王法於天祀中殺羊當下刀
時言婆藪仙人殺汝婆藪之子名曰廣車嗣位爲王
後亦厭世法而不能出家如是思惟我父先王出家

生入地中若治天下復作大罪我今當何以自處如是思惟時聞空中聲言汝若行見難值希有處汝應是中作舍住作是語已便不復聞聲未經幾時王出田獵見有鹿走疾如風王便逐之而不可及遂逐不止百官侍從無能及者轉前見有五山周而峻固其地平政生艸細軟好華徧地種種樹林華果茂盛溫泉浴池皆悉清淨其地莊嚴處處有散天華天香聞天伎樂爾時捷闍婆伎樂適見王來各自還去是處希有未曾所見今我正當在中作舍住如是思惟已群臣百官尋跡而到王告諸臣我前所聞空中聲言

汝行若見希有難值之處汝於是中作舍住我今見此希有之處我應是中作舍住卽捨本城於此山中住是王初始在此中住從是以後次第止住是王元起造立宮舍故名王舍城又智度論者闍崛山者此名鷲頭山問曰何故名鷲頭山答曰是山頂似鷲王舍城人見其似鷲故共傳言鷲頭山因而名之爲鷲頭山又王舍城南屍陀林中多諸死人諸鷲常來食之還在山頭時人遂名鷲頭山是山於五山中最高大多好林泉聖人住處又大哀經云佛在王舍城靈鷲山者古晉諸佛之所遊居如來威神之所建立其

地道場諸菩薩衆所共咨嗟無極法座天龍鬼神等咸俱歸命稽首爲禮又智度論問曰佛普慈一切何故獨住王舍城不住餘城答曰亦住餘城希少而多住王舍城舍婆提城爲諸城邊國又彌離車地多弊惡人善根未熟故不住之又佛知恩故多住此二城問曰何故知恩多住二城答曰憍薩羅國是佛生身地舍婆提大城佛爲法主故亦在此城問曰若知恩故多住舍婆提城者迦毗羅城近佛生處何以不住答曰佛無餘習近諸親屬亦無累想然釋種弟子多未離欲若近親屬則染着心生以報生地恩故多住

舍婆提一切衆生皆念生地故如偈說

一切論議師 自受所知法 如人念生地 雖出家猶諍

以報法身地恩故多住王舍城諸佛皆愛法身故如偈說

過去未來 現在諸佛 供養法身 師敬尊重

法身於生身勝故二城中多住王舍城頌曰

君臣感德 靈篇金鏡 寶冊葳蕤 帝圖掩映 鳥記稱祥 龍書表慶

萬國來朝

百辟作詠

肇高武皇

後嗣宗聖

凶夷險阻

威感除併

慈陰蒼生

業隆壽命

至哉勝業

聖君啓政

感應緣

略出五驗


燕臣莊子儀

漢王如意

漢靈帝

漢宣帝

漢靈帝



燕臣莊子儀無罪而簡公殺之子儀曰死者無知則已若其有知不出三年必使君知之暮年簡公祀於祖澤燕之有祖澤猶宋之有桑林國之大祀也男女觀子儀起於道左荷朱杖擊公公死於車上

漢王如意漢高帝第四子也呂后生長子也立為皇太子而如意母戚夫人得寵於帝帝數欲替太子而立如意群臣爭之故遂封如意於趙呂后以是嫉之及高帝崩呂后候如意到長安而拉殺之又支斷戚夫人手足號為人彘後呂后被除於灞上還道中見物如蒼狗攫后腋忽而不見卜之云趙王如意為崇

遂病腋傷而崩

右一驗出
寃寃志

漢靈帝數遊戲於西園令後宮姝女爲客舍主身爲商賈行至舍間姝女下酒因共飲食以爲戲樂蓋是天子將欲失位降在皂隸之謠也其後天子遂傳古志之曰赤厄三七三七者經二百一十載當有外戚之篡丹眉之妖篡盜短祚極於三六當有龍飛之秀興復祖宗又歷三七當復有黃首之妖天下大亂矣自高祖建業至于平帝之末二百一十年而王莽篡位蓋因母后之親十八年而山東賊樊子都等起實丹其眉故天下號曰赤眉於是允武以興祚其名曰

秀至于靈帝中平元年而張角起置三十六萬衆數十萬人皆是黃巾故天下號曰黃巾賊故今道服由此而興初起於鄴會於真定誑惑百姓曰蒼天已死黃天立歲名甲子年天下大吉起於鄴者天下始業也會於真定也小民相向跪拜信趣出荆楊尤甚棄財產流沉道路死者數百角等初以二月起兵其冬十二月悉破自允武中興至黃巾之起未盈二百年而天下大亂漢祚廢絕實應三七之運也

漢宣帝之世燕岱之間有三男共取一婦生其四子及至將分妻子而不可均乃致爭訟延尉范延壽斷

之曰此非人類當以禽獸從母不從父也請戮三男子以兒還母宣帝嗟歎曰事何必古若此則可謂當於理而戢人情也延壽蓋見人事而知用刑矣未知論人妖將來之應也

漢靈帝建寧三年河內有婦食夫河南有夫食婦夫婦陰陽二儀之體也有情之淡者也今反相食陰陽相侵豈特日月之眚哉靈帝既没天下大亂君有安誅之暴臣有劫弑之逆兵革傷殘骨肉為讐生民之禍至矣故人妖為之先作恨而不遭辛有屠乘之論以測其情也

右其三驗出搜神記

法苑珠林卷第五十七

校譌

第三紙

十七行破戒若北藏作持戒破

第五紙

十七行辭北藏作辯

音釋

訕黷

訕所晏切黷杜谷切

紕紊

紕篇夷切紊文運切

疫癘

疫越逼切瘧疾厲力霽切

剝

伯各切

鏤

郎豆切

齔

厥縛切

忽郭切

螫

施隻切

啞

作答切

頰

阿葛切

戶瓦切

葳蕤

葳於非切蕤儒佳切

拉

落洽切

攫

縛切

兩旁切

崇

須銳切


筭

初患切

眚

成景切

雲間居士陸彥積施寶刻此法苑珠林第五十七卷吳江比丘明覺對真州王國英書上元茶榮刻萬曆辛卯冬清涼山妙德庵識



法苑珠林卷第五十八

唐上都西明寺沙門釋道世玄憚撰

納諫篇第四十二

逆意部

夫納其理則言語絕乖其趣則諍論典然直言者德之本納受者行之原所以藉言而德顯納受而行全譬目短於自見借鏡以觀形髮拙於自理必假櫛以自通故面之所以形明鏡之力也髮之所以理玄櫛之功也行之所以芳蓋言之益也是故身之將敗必不納正諫之言命之將終必不可處於良醫也

引證部

如雜寶藏經云佛言咎迦尸國王名為惡受極作非法苦惱百姓殘賊無道四遠賈客珍奇勝物皆稅奪取不酬其直由是之故國中寶物遂至大貴諸人稱傳惡名流布爾時有鸚鵡王在於林中聞行路人說王之惡即自思念我雖是鳥尚知其非今當詣彼為說善道彼王若聞我語必作是言彼鳥之王猶有善言柰何人王為彼譏責僕能改修尋即高飛至王園中迴翔下降在一樹上值王夫人入園遊觀于時鸚鵡鼓翼嚶鳴而語之言王今暴虐無道之甚殘害萬

民毒及鳥獸含識嗷嗷人畜憤結呼嗟之音周聞天下夫人苛尅與王無異民之父母豈應如是夫人聞已瞋恚熾盛此何小鳥罵我溢口遣人伺捕爾時鸚鵡不驚不畏入捕者手夫人得之即用與王王語鸚鵡何以罵我鸚鵡答言說王非法乃欲相益不敢罵王時王問言有何非法答言有七事非法能危王身問言何等為七答言一者耽荒女色不敬真正二者嗜酒醉亂不恤國事三者貪着碁博不修禮敬四者遊獵殺生都無慈心五者好出惡言初不善語六者賦役謫罰倍加常則七者不以義理劫奪民財有此

撰述
法苑珠林卷五十一
七事能危王身又有三事俱敗王國王復問言何謂
三事答言一者親近邪佞諂惡之人二者不附賢勝
不受善言三者好伐他國不養人民此三不除傾敗
之期非旦則夕夫爲王者率土歸仰王當如橋濟度
萬民王當如秤親踈皆平王當如道不違聖蹤王者
如日普照世間王者如月與物清涼王如父母恩育
慈矜王者如天覆蓋一切王者如地載養萬物王者
如火爲諸萬民燒除惡患王者如水潤澤四方應如
過去轉輪聖王乃以十善道教化衆生王聞其言淡
自慙愧鸚鵡之言至誠至欸我爲人王所行無道請

遵其教奉以師禮受修正行爾時國內風教既行惡
名消滅夫人臣佐皆生忠敬一切人民無不歡喜爾
時鸚鵡者我身是也爾時迦尸國王惡受者今輔相
是也爾時夫人者今輔相夫人是也又薩遮尼乾子
經云時嚴熾王言大師頗有衆生聰明大智利根有
罪過不答言有何者是答言大王卽是王甚聰明大
智利根黠慧有大威力心不怯弱好喜布施威德具
足亦有罪過王言大師我之罪過云何答言大王之
罪太極暴惡太嚴太忽太一太卒大王當知若王者
性太惡者彼爲一切多人不用多人不愛多人不喜

乃至父母亦不喜見何況餘人是故大王不應太惡所為作事當自安詳不應太卒而說偈言

若王行惡行 瞋心不見事 動則怖衆生

乃至父母畏 何況餘非親 而當有念愛

大王應當知 智者捨瞋恚

爾時嚴熾王在坐對面聞尼乾子毀訾自身心生不忍瞋心不喜心生毒害即作是言薩遮尼乾子汝云何於大衆中說我過患我從管來無人敢正看我汝今毀我罪應合死作是語已告諸臣言汝當捉此斷其命根尼乾驚怖語言大王汝今莫卒作如是惡我

有善言願王暫時施我無畏聽我所說王言汝何所說汝當速說尼乾答言大王當知我亦有罪由大實語不虛語稱事語以我如是大惡人前可畏人前急性人前無慈悲人前卒作事人前如是行人前說如是實語大王當知黠慧之人不應一切時一切處常說實語應當善觀可與語人不可與語人可語時不可語時當知實語世人不愛不善讚歎而說偈言

智者不知時 卒隨意說實 彼人智者訶

何況無智者 智者一切處 亦不皆實語

是實橋尸迦 實語入惡道

爾時王聞尼乾子說自身過罪即便開解歸誠懺悔
又大莊嚴論云佛言我曾曾聞有羗老母入於林中
採波羅樹葉賣以自活路由關邏邏人稅之時老母
不欲令稅而語之言汝能將我至王邊者稅乃可得
若不爾者終不與汝於是邏人遂共紛紜往至王所
王問老母汝今何故不輸關稅老母白王王頗識彼
某比丘不王言我識是大羅漢又問第二比丘王復
識不王言我識彼亦羅漢又問第三比丘王復識不
王答言識彼亦羅漢老母亢聲而白王言是三羅漢
皆是我子此諸子等受王供養能使大王受無量福

是則名為與王稅物云何更欲稅奪於我王聞是已
歎未曾有善哉老母能生聖子我實不知彼羅漢是
汝子者應加供養恭敬於汝老母即說偈言

吾生育三子

勇健超三界

悉皆證羅漢

為世作福田

王若供養時

獲福當稅物

云何而方欲

稅奪我所有

王聞是偈已身毛皆豎於三寶所生信敬心流淚而
言如此老母宜加供養況稅其物又舊雜譬喻經云
管有沙門行至他國夜不得入城於外艸中坐至夜
有閻叉鬼來持之當噉沙門言汝相離遠矣鬼言何

以爲遠沙門言汝欲害我我當生忉利天上汝當入地獄是不爲遠耶鬼則致謝作禮而去又摩鄧女經云時阿難持鉢行乞食已隨水邊行見一女人在水邊擔水而阿難從女乞水女卽與水女隨阿難視所止處女歸告母母名摩鄧女便於家委卧而啼母問何爲悲啼女言母欲嫁我者莫與他人我於水邊見一沙門從我乞水我問阿誰答字阿難我得阿難乃可嫁我母不得者我不嫁也母出行問阿難知阿難承事佛人母已追還告女言阿難事佛道人不肯爲汝作夫女啼不食母知蠱道請阿難飯女便大喜母

語阿難我女欲爲卿作妻阿難言我持戒不畜妻復言我女不得卿爲夫者便欲自殺阿難言我師是佛不與女人交通母人語女具述此意女對母啼言但爲我閉門無令得出暮自爲夫母便閉門以蠱道法縛阿難至於晡時母爲女布席卧處女便大喜遂自莊飾阿難不就母令中庭地出火牽阿難衣言汝不爲我女作夫我擲汝火中阿難自鄙爲佛作沙門今反不能得出佛卽持神咒心知阿難故救還佛所具白前事女見阿難去於家啼哭不止續念阿難女明日自求阿難復見阿難行乞食隨阿難背後視阿難

足視阿難面阿難慙避女隨不止阿難白佛言摩鄧女今日復隨我後佛使追呼佛問女云汝追逐阿難何等所索女言我聞阿難無婦我又無夫欲爲作婦也佛告女言阿難無髮汝今有髮汝能剃髮我使阿難爲汝作夫女言能剃佛言歸報汝母剃頭竟來女歸具白母知母言我生汝來護汝頭髮何爲欲得沙門作婦國中大有豪富我自嫁汝女言我寧生死爲阿難作婦母言辱我種母爲下刀剃頭已女還到佛所言我已剃髮佛言汝愛阿難何等女言我愛阿難眼愛阿難鼻愛阿難口愛阿難耳愛阿難聲愛阿難

行步佛言眼中但有淚鼻中但有涕口中但有唾耳中但有垢身中但有屎尿臭處不淨其有夫婦者便有惡露惡露中便生兒子已有兒子便有死已已有死已便有哭泣於是身中何所益女卽思念身中惡露便自正心卽得羅漢佛知得道卽告女言汝起至阿難所女卽慚愧低頭長跪佛前言女實愚癡故逐阿難令我心開如冥中有燈火如人乘船船壞依岸如盲人得扶如老人持杖今佛與我道令我心開如是諸比丘俱問佛是女人何因得道佛告諸比丘是摩鄧女先世時五百世爲阿難作婦常相愛敬故

撰述
法苑珠林卷五十一
於我法中得道於今夫妻相見如兄如弟如是佛道
何用不爲佛說是經諸比丘聞已皆大歡喜又百緣
經云佛在世時舍衛城中有一婆羅門名曰梵摩多
聞辯才明解經論四韋陀典無不鑒達其婦生女端
正殊妙智慧辯才無有及者聞諸婆羅門共父論議
悉能受持一言不失如是展轉所聞甚多與耆舊長
宿皆來諮啓無不通達聞世有佛始成正覺教化衆
生諮受法味尋自莊嚴往詣佛所見佛發心求索出
家佛告善來比丘尼頭髮自落法服着身成比丘尼
精勤修習得阿羅漢果阿難見已白佛言此須漫比

丘尼宿殖何福今值佛出家得道佛告阿難此賢劫
中有佛出世號曰迦葉入涅槃後於像法中有一比
丘尼心常喜樂說法教化精勤無替因發誓願使我
來世釋迦牟尼佛法之中明解經論發是願已便取
命終生天人中聰明智慧無有及者今值我出家得
道多聞第一比丘聞已歡喜奉行又申阿含經云禪
以聲爲刺世尊亦說以聲爲刺所以者何我實如是
說禪有刺持戒者以犯戒爲刺護諸根者以嚴飾身
爲刺修習惡露者以淨相爲刺修習慈心者以悲爲
刺離酒者以飲酒爲刺梵行者以見女色爲刺入初

禪者以聲為刺入第二禪者以覺觀為刺入第三禪者以喜為刺入第四禪者以入出息為刺入空處者以色想為刺入識處者以空處想為刺入無所有處者以識處想為刺入無想處者以無所有處想為刺入想知滅定者以想知為刺復有三刺欲刺恚刺愚癡刺此三刺者漏盡阿羅訶已斷已知拔絕根本滅不復生是為阿羅訶無刺除此刺者是名納諫又大魚事經云爾時世尊告諸比丘管時有一池水饒諸大魚爾時大魚勅小魚曰汝等莫離此間往他處所備為惡人所得爾時小魚不從大魚教便往至他處爾時魚師

以飯網羅線捕諸魚諸小魚見便趣大魚處所爾時大魚見小魚來便問小魚曰汝等莫離此間往至他所不爾時小魚便答大魚曰我等向者已至他所來大魚便勅小魚曰汝等既至他所不為羅網取捕耶小魚答大魚曰我等至彼不為人所捕然遙見長線尋我後來大魚便語小魚曰汝等已為所害所以然者汝所遙見線尋後來者皆先祖父母等盡為此線所害汝見必為所害汝非我兒爾時小魚盡為魚師所捕舉着岸上如是小魚大有死者為不受語為網所害又僧祇律云佛告諸比丘過去世時有城名波羅柰國名

伽尸時有一婆羅門於曠野中造立義井爲放牧行者皆就井飲并及洗浴時日向暮有群野干來趣井飲地殘水有野干主不飲地水便內頭罐中飲水飲已戴罐高舉撲破瓦罐罐口猶貫其項諸野干輩語野干主若濕樹葉可用者常當護之況復此罐利益行人云何打破野干主言我作是樂但當快心那知他事時有行人語婆羅門汝罐已破復更着之猶如前法爲野干所破乃至十四諸野干輩數數諫之猶不受語時婆羅門便自念言是誰破罐當往伺之正是野干便作是念我福德井而作畱難便作木罐堅

固難破令頭易入難出持着井邊然捉杖屏處伺之行人飲訖野干主如前入飲飲訖撲地不能令破時婆羅門捉杖打殺空中有天說此偈言

知識慈心語

狼戾不受諫

守頑招此禍

自喪其身命

是故癡野干

遭斯木罐苦

佛告諸比丘爾時野干主者今提婆達多是時群野干者今諸比丘諫提婆達多者是當知於過去時已曾不受知識軟語自喪身命今復不受諸比丘諫當墮惡道長夜受苦頌曰

智人受諫

愚夫拒違

譬同明鏡

影照瑕疵

見過須改

慕在知機

頑蕪固執

困厄何依

審察篇第四十三

述意部

夫聖人利物審境觀心調識情於實所運假實於妄誠故審非惠無以窮其實惠非審無以察其照然則照察之源審定之要故能無法不緣無境不察然後緣法察境乃知同趣於玄功交養萬法也

審怒部

如僧祇律云佛告諸比丘過去世時有婆羅門家貧

有婦不生兒家有那俱羅蟲便生一子時婆羅門以無子故養如兒想那俱羅子於婆羅門亦如父想於後婦便有身滿月生子便作是念由那俱羅生吉祥子使我有兒時婆羅門欲出乞食便勅婦言汝若出行當將兒去慎莫留後婦與兒食已便至比舍儻確春穀是時小兒有酥酥香時有毒虵乘香來至張口吐毒欲殺小兒那俱羅蟲便作是念我父出行母亦不在云何毒虵欲殺我弟便殺毒虵段爲七分父母知者必當賞我以血塗口當門而住欲令父母見之歡喜時婆羅門始從外來見婦舍外便瞋恚言我教

行時當將兒去何以獨行父欲入門見那俱羅口中有血便作是念我夫婦不枉將無殺食我兒徒養此蟲卽前打殺旣入門內自見已兒唵指而戲復見毒蛇七分在地時婆羅門淡自苦責是那俱羅善有人情救我子命我不善觀卒便殺之可痛可憐迷悶躡地空中有天卽說偈言

宜審諦觀察

勿行卒威怒

善友恩愛離

枉害傷良善

喻如婆羅門

殺彼那俱羅

又佛說太子沐魄經云佛告諸比丘管者有王名波羅柰王有太子字名沐魄生無窟極之明端正好潔

無有雙比父母奇之供養瞻視須其長大當爲立字結舌不語十有三年澹泊拙朴志若死灰身如枯木耳不聽音目不視色狀類瘡痍聾瞶之人於是父王患而苦之王語夫人當柰之何此子必爲他國所笑夫人語王當召相師使相之王卽召婆羅門師相之婆羅門言此子非世間人但熒惑耳外爲端正內懷不祥宜國剪棄將是不久不可育養宜當生埋誅而殺之今不除此子恐後無復立子於是夫人卽隨王所爲王卽召國中大臣共議之一臣言但棄於淡山之中無人之處一臣言投於淡水之中一臣言但隨

師所語掘地作深坑而生理之王卽召國中陣兵二千餘人使掘地作藏給二十歲儲資糧時以太子奴僕珍寶瓔珞盡還太子於是夫人傷絕我獨無相子生薄命乃值此殃事不獲已於是送太子正殿上五百夫人來觀太子見太子端正好潔無有雙比而言太子何以不語而當生理五百姝女來觀太子見太子端正好潔無有雙比而言太子何以不語而當生理各爲太子作伎樂太子默然不觀不聽於是送太子外殿上五百大臣來觀太子見太子端正好潔馳白大王此子非不語之人且見小留語在不久婆

羅門師不可審信王言此是國事非卿所知作藏已訖來追太子王語其僕使太子乘四望象車令國中人民使觀太子太子當語若語者使載來還於是太子乘車在路時國中耆老大臣宛轉車前太子要當一語若不語者以車劈我上去諸龍虎憤扶侍使過時數千萬人皆圍遶於是太子復不得前飛鳥走獸遶藏三帀復塞藏戶於是太子復不得前便舉手住而言正欲不語而當生理正欲發語恐入地獄所以不語欲令全身避害濟神離苦所以不語而信欺詐之言謂我聾盲爲實瘖瘂爾時人民聞太子絕妙之

音行者爲止坐者爲起皆前叩頭願赦我罪其僕聞之歡喜踊躍馳白大太子已語上徹蒼天下徹黃泉飛鳥走獸皆來伏於太子前太子以語歡喜踊躍王卽與夫人乘四望象車往迎太子太子願見父王下車避道四拜而起勞屈大王遠來見迎今父子相生捐棄恩愛已離其義甚乖不可聽觀王語太子不可不可汝爲智者當原不及共還入國舉位與汝我自避退太子答言我前身已爲國王用行漏失下入地獄六萬餘歲蒸煮割裂甚痛難忍父母寧能知我苦痛以不我厭畏地獄是以結舌不語十有三年

冀望免出塵埃之外不與罪會去道以遠高翔遠逝自濟於世世間無常恍惚如夢室家歡娛須臾間耳憂苦延長歡樂暫有王知志固惟聽學道於是太子棄國捐王入山求道思惟禪定命終卽生兜率天上福盡下生人間爲迦夷國王作太子太子自知作佛佛告阿難爾時太子沐魄者我身是也王者悅頭檀是也夫人者摩耶是也五僕者闍居輪等是也時婆羅門相師者調達是也調達與我世世有怨諸天龍神歡喜踊躍作禮而去

審過部

如付法藏因緣經云時室羅城中有一商主爲僧造作般遮于瑟大會有一比丘尼得阿羅漢觀察衆中誰爲福田又復思惟何者僧首見諸羅漢及與學人久斷煩惱堪受供養觀一比丘名阿沙羅未得解脫竄居衆首時比丘尼卽往語言大德今者應自莊嚴時此比丘未達其意便着淨衣剃髮澡浴復於後時此比丘尼更語嚴飾時阿沙羅極大瞋忿我隨汝語甚自嚴潔有何醜惡屢出斯言比丘尼曰大德當知此俗莊嚴非佛法也佛法莊嚴者謂獲四果奇哉大德甚爲輕劣長者設會多諸聖賢汝爲僧首未免生

死以有漏心最初受供是故我今欲相覺悟阿沙羅比丘聞已慘然悲泣自惟老朽何能盡漏比丘尼言佛法無時豈棟壯老聞此語已因向憂波邇多所卽爲說法成阿羅漢復有一比丘性嗜飲食由此貪故不能得道憂波邇多令就房以香乳糜而用與之語令待冷然後可食比丘口吹糜尋冷語尊者言糜已冷矣尊者告曰此糜雖冷汝欲火熱應以水觀滅汝心火復以空器令吐食出旣吐食已還使食之比丘答言涎唾以合云何食耶尊者語言凡一切食與此無異汝不觀察妄生貪著汝今當觀食不淨想卽

撰述
爲說法得羅漢道又百喻經云管有二毗舍闍鬼共
有一篋一杖一屐二鬼共諍各欲得二二鬼紛紜竟
日不能使平時有一人來見之已而問之言此篋杖
屐有何奇異汝等共諍瞋忿乃爾二鬼答言我此篋
者能出一切衣服飲食床褥卧具資生之物盡從中
出執此杖者怨敵歸伏無敢與諍着此屐者能令人
飛行無有罣礙此人聞已卽語鬼言汝等小遠我當
爲爾平等分之鬼聞其語尋卽遠避此人卽時抱篋
捉杖躡屐而飛二鬼愕然竟無所得人語鬼言爾等
所諍我已得去今使爾等更無所諍毗舍闍者喻於

衆魔及以外道布施如篋人天五道資用之具皆從
中出禪定如杖消伏魔怨煩惱之賊持戒如屐必昇
天人諸魔外道諍篋者喻於有漏中強求果報空無
所得若能修行善行及以布施持戒禪定便得離苦
獲得道果

審學部

如舊雜譬喻經云管有二人從師學道俱到他國路
見象跡一人言此是母象懷雌子象一目盲象上有
一婦人懷女兒一人言汝何以知之答曰以意思知
汝若不信前到見之二人俱及象悉如所言一人自

念我與汝俱從師學我獨不見而汝獨知後還白師
師爲重開乃呼一人問曰何因知此答曰是師常所
教常導者我見象小便地知是雌象見其右足踐地
淡知懷雌也見道邊右面艸不動知右目盲見象所
止有小便知是女人見右足踏地淡知懷女我以纖
密意思惟之耳師曰夫學當以意思穩審乃達也又
百喻經云譬如有人磨一大石勤加功力經歷日月
作小戲牛用功既重所期甚輕世間之人亦復如是
磨大石者喻於學問精勤勞苦作小牛者喻於名聞
互相是非夫爲學者研思精微博通多識宜應履行

遠求勝果勿求名譽僑慢貢高增長過患又智度論
云有人一切時見有異事皆審問之後時曠野行道
逢羅刹執捉其人其人見捉定死不惑然見羅刹曾
白背黑怪問所由羅刹答言我一生已來不喜見日
所以常背日而行故前白後黑其人解意急掣其手
遂向日走羅刹迴面背日不見其人其人得脫因說
偈言

勤學第一道 勤問第一方 道逢羅刹難

背陰向太陽

頌曰

審察是非

清濁難測

善觀邪正

巧施軌則

內忿濫罰

外諍何息

願澄心府

詳審慧力

感應緣略引
三驗

博物志驗

白澤圖驗

抱朴子驗

博物志曰小山有夔其形如鼓一足知禮澤有委蛇狀如轂長如轅見之者霸管夏禹觀河見長人魚身出曰吾河精豈河伯也

白澤圖曰廁之精名曰倚衣青衣持白杖知其名呼之者除不知其名則死又築室三年不居其中有滿財長二尺見人則掩面見之有福又築室三年不居其精名忽長七尺見者有福又築室三年不居其中有小兒長三尺而無髮見人則掩鼻見之有福又火之精名曰必方狀如鳥一足以其名呼之則去又木之精名彭候狀如黑狗無尾可烹而食之又千載木其中有蟲名曰賈詘狀如豚有兩頭烹而食之如狗肉味又上有山林下有川泉地理之間生精名曰必方狀如鳥長尾此陰陽變化之所生又玉之精名曰

岱委其狀美女衣青衣見之以桃七刺之而呼其名
則得之又金之精名曰倉塘狀如豚居人家使人不
宜妻以其名呼之則去又水之精名曰罔象其狀如
小兒赤目黑色大耳長爪以索縛之則可得烹之吉
又故門之精名曰野狀如侏儒見之則拜以其名呼
之宜飲食又故澤之精名曰冕其狀如蛇一身兩頭
五彩文以其名呼有使取金銀又故廢丘墓之精名
曰無狀如老役夫衣青衣而操杵好舂以其名呼之
使人宜禾穀又故道徑之精名曰忌狀如野人行歌
以其名呼之使人不迷又故車之精名曰寧野狀如

輻車見之傷人目以其名呼之不能傷人目又在道
之精名曰作器狀如丈夫善眩人以其名呼之則去
又故曰之精名曰意狀如豚以其名呼之則去又故
井故淵之精名曰觀狀如美女好吹簫以其名呼之
則去又絕水有金者精名侯伯狀如人長五尺五綵
衣以其名呼之則去又故臺屋之精名曰兩貴狀如
赤狗以其名呼使人目明又左右有山石水生其澗
水出流千歲不絕其精名曰喜狀如小兒黑色以其
名呼之使取飲食又三軍所戰精名曰賓滿其狀如
人頭無身赤目見人則轉以其名呼之則去又故水

石者精名慶忌狀如人乘車蓋一日馳千里以其名呼之則可使入水取魚又丘墓之精名曰狼鬼善與人鬪不休爲桃棘矢羽以鴉羽以射之狼鬼化爲飄風脫履捉之不能化也又故市之精名曰問其狀如困而無手足以其名呼之則去又故室之精名曰孫龍狀如小兒長一尺四寸衣黑衣赤幘大冠帶劍持戟以其名呼之則去又山之精名夔狀如鼓一足如行以其名呼之可使取虎狼豹又故牧弊池之精名曰髡頓狀如牛無頭見人則逐人以其名呼之則去又夜見堂下有兒被髮禿物惡之精名曰溝以其名

呼之則無咎又百歲狼化爲女人名曰知女狀如美女坐道傍告丈夫曰我無父母兄弟若丈夫取爲妻經年而食人以其名呼之則逃走去又故溷之精名曰卑狀如美女而持鏡呼之知愧則去也

抱朴子曰山中大樹能語者非樹語也其精名曰雲陽以其名呼之則吉山中夜見胡人者銅鐵精也見秦人者百歲木也在水之間見吏者名曰四激以其名呼之則吉山中寅日有稱虞吏者虎也稱當路居者狼也稱令長者老狸也卯日稱丈夫者兔也稱東父者麋也稱西王母者鹿也辰日稱雨師者龍也稱

河伯者魚也稱無腸公子者蟹也巳日稱寡人者社
中虵也稱時君者龜也午日稱三公者馬也稱三人
者老樹也未日稱主人者羊也稱吏者麀也申日稱
人君者猴也稱九卿者猿也酉日稱將軍者老雞也
稱賊捕者雉也戌日稱人姓字者犬也稱城陽公仲
者狐也亥日稱人君者猪也稱婦人者金玉也子日
稱社君者鼠也稱神人者伏翼也丑日稱書生者牛
也知其物則不能為害又熒惑火精生朱鳥辰星水
精生玄武歲星木精生青龍太白金精生白虎鎮星
土精生乘黃抱朴子曰山川石木井竈河池酒皆有

精氣人身之中亦有魂魄況天地為物物之至大者
於理當有精神有精神則賞善而罰惡但其體大網
疎不必機發而響應耳

法苑珠林卷第五十八

校讒

第十紙

十二行頌
北藏作頌

第十七紙

六行背北
藏作向

第十九紙

十七行春
北藏作春

音釋

嚶 么莖切鳥
相命聲

嗽 牛刀切衆
口愁也

戇 陟降切
愚也

輶 色角切
吮也

夔


渠為切獸
似牛者

詘 曲勿切

嗒 土郎切

輶 音溫

雲間居士陸彥積施贊刻此
 法苑珠林第五十八卷 吳江比丘明覺對 眞
 州王國英書 溧水毛有爲刻
 萬曆辛卯冬清涼山妙德庵識



此書當林... 蘇東人... 中亦... 吳江... 妙德庵...



